



SLUŽBENI GLASNIK

OPĆINE ZAVIDOVIĆI

Broj: **3** • Datum: 16.04.2018. godine

IZDAVAČ: Stručna služba Općinskog vijeća
REDAKCIJSKI KOLEGIJ: Samira Pinjić – odgovorni urednik
Fatima Merdanović – član
Almina Mušić – član

I – AKTI OPĆINSKOG VIJEĆA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-27-143/18-AP-11

Datum: 05.04.2018. godine

Na osnovu člana 13. stav (2) Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09), člana 13. stav (2) Zakona o cestama Federacije Bosne i Hercegovine („Službene novine F BiH“, broj: 12/10, 16/10 - ispr. i 66/13), člana 19. stav (2) i 25. stav (1) tačka 2. Statuta Općine Zavidovići („Službeni glasnik Općine Zavidovići“, broj: 5/08 i 5/a/2008) Općinsko vijeće Zavidovići na 20. sjednici, održanoj 05.04.2018. godine donijelo je

O D L U K U
O LOKALNIM CESTAMA I GRADSKIM ULICAMA NA
PODRUČJU OPĆINE ZAVIDOVIĆI

I – OPĆE ODREDBE**Član 1.**

(Predmet i obim primjene)

Ovom Odlukom uređuje se upravljanje, izgradnja, rekonstrukcija i sanacija, održavanje, zaštita, korištenje, uređenje saobraćaja, finansiranje i poslovi nadzora na lokalnim cestama i gradskim ulicama na području općine Zavidovići.

Član 2.

(Definicija pojma)

- (1) Lokalne ceste su javne ceste i u vlasništvu su Federacije BiH, Općine Zavidovići.
- (2) Na javnim se cestama ne može sticati pravo vlasništva niti druga prava po bilo kom osnovu osim prava određenih Zakonom o cestama („Službene novine F BiH“, broj: 12/10, 16/10-ispr. i 66/13).
- (3) Lokalne ceste povezuju naselja u općini sa naseljima iz susjednih općina, ili povezuju važnija naselja unutar općine, te povezuju saobraćaj na druge javne ceste iste ili više kategorije.
- (4) Javne staze su saobraćajnice namijenjene za povezivanje naselja ili dijelova naselja u okviru općine, a ne ispunjavaju propisane kriterije za lokalne ceste, ili su predviđene samo za određenu vrstu učesnika u saobraćaju (ceste i staze u stambenim zonama, seoske ceste i staze, pješačke staze, biciklističke staze, konjske staze i slično).
- (5) U naseljima u kojima je uveden sistem ulica saobraćajnice se mogu podijeliti na podkategorije:
 - glavne gradske ceste predstavljaju nastavak cesta kroz gradove, a namijenjene su za saobraćajno povezivanje gradskih područja i četvrti u skladu sa propisima o sigurnosti cestovnog saobraćaja. Na ovim cestama, ako to uvjeti odvijanja saobraćaja dozvoljavaju, može se regulisati saobraćajnom signalizacijom i veća brzina kretanja od općeg ograničenja brzine u naselju;

- sabirne gradske ceste ili sabirne lokalne ceste predviđene su za prikupljanje i povezivanje saobraćajnih tokova iz pojedinih područja ili gradskih četvrti, kao i za povezivanje gradskih četvrti i dijelova naselja sa cestama više kategorije;

- lokalne gradske ceste predstavljaju nastavak cesta više kategorije, predviđene su za pristup zatvorenim prostornim jedinicama (stambeni blokovi ili individualni stambeni objekti, industrijske zone, centri za kupovinu i rekreaciju itd.) u pojedinim urbanim područjima ili četvrtima, kao i u dijelovima naselja.

Član 3. (Sastav ceste)

Lokalne ceste čine:

- cestovna građevina (posteljica, donji sloj ceste, cestovna konstrukcija, most, vijadukt, podvožnjak, nadvožnjak, propust, tunel, galerija, potporni i obložni zid, nasip, pothodnik i nathodnik),

- građevine za odvodnju ceste i pročišćavanje vode,

- cestovni pojas sa obiju strana ceste potreban za nesmetano održavanje širine prema projektu ceste, a najmanje jedan metar računajući od linije koja spaja krajnje tačke poprečnog profila ceste,

- zračni prostor iznad ceste u visini od 7 m,

- cestovno zemljište koje čini površina zemljišta na kojoj prema projektu treba izgraditi ili je izgrađena cestovna građevina, površina cestovnog pojasa, te površina zemljišta na kojima su, prema projektu ceste, izgrađene ili se trebaju izgraditi građevine za potrebe održavanja ceste i pružanje usluga vozačima i putnicima, te naplatu putarine predviđene projektom ceste (objekti za održavanje cesta, upravljanje i nadzor saobraćaja, naplata putarine, benzinske pumpe, servisi, autobuska stajališta, parkirališta, odmorišta itd.),

- građevine na cestovnom zemljištu, za potrebe održavanja ceste (cestarske kuće, punktovi i stacionari) i pružanje usluga vozačima i putnicima, te naplatu putarine, predviđene projektom ceste,

- stabilni mjerni objekti i uređaji za nadzor vozila,

- priključci na javnu cestu izgrađeni na cestovnom zemljištu,

- saobraćajni znakovi i uređaji za nadzor i sigurno vođenje saobraćaja i oprema ceste (horizontalna i vertikalna saobraćajna signalizacija, svjetlosno-signalni uređaji, telekomunikacijski stabilni uređaji, instalacije i rasvjeta u funkciji saobraćaja, cestovne značke, detektori - brojači saobraćaja, instalacije, uređaji i oprema u tunelima, oprema parkirališta, odmorišta i slično),

- mjerne vage i objekti za vaganje i kontrolu saobraćaja,

- građevine i oprema za zaštitu ceste, saobraćaja i okoliša (snjegobrani, vjetrobrani, zaštita od obrušavanja i nanosa materijala, zaštitne i sigurnosne ograde, putokazi i kilometarske oznake, odbojnici, zaštita od buke i drugih štetnih uticaja na okoliš i slično),

- posebni objekti na cestama, postavljeni radi smanjenja brzine.

II – UPRAVLJANJE LOKALNIM CESTAMA I GRADSKIM ULICAMA

Član 4. (Nadležnost)

(1) Upravljanje, građenje, rekonstrukciju, sanaciju, održavanje i zaštitu lokalnih cesta i gradskih ulica vrši Općina Zavidovići putem nadležnih općinskih službi.

(2) Općina Zavidovići putem nadležnih općinskih službi:

a) priprema dugoročne i srednjoročne planove razvoja cesta i izvještaje;

- b) priprema srednjoročne i godišnje planove i programe održavanja, zaštite, rekonstrukcije i izgradnje lokalnih cesta i gradskih ulica kao i izvještaje o realizaciji tih planova i programa;
- c) priprema plan obnove;
- d) obavlja investicijske poslove za održavanje i obnovu, rekonstrukciju i izgradnju;
- e) obavlja investicijske poslove za osiguranje potrebne studijske i projektne dokumentacije;
- f) priprema i realizira program mjera i aktivnosti na unapređenju sigurnosti saobraćaja;
- g) obavlja poslove zaštite cesta;
- h) predlaže finansijske planove i finansijske izvještaje o realizaciji tih planova i programa i osigurava sredstva za potrebe cesta;
- i) vodi evidenciju (bazu podataka) cesta, objekata, saobraćajne signalizacije i opreme na cestama i katastra cestovnog zemljišnog pojasa;
- j) prikuplja podatke i obavještava javnost o stanju cesta i načinu odvijanja saobraćaja;
- k) poduzima potrebne mjere za očuvanje i zaštitu okoline.

Član 5.

(Nadoknada štete zbog nedostataka na cesti)

(1) U slučaju saobraćajne nezgode korisniku lokalne ceste koji se pridržava saobraćajnih i tehničkih propisa utvrđenih Zakonom o osnovama sigurnosti saobraćaja na cestama u Bosni i Hercegovini („Službeni glasnik BiH“, broj: 6/06, 74/06, 44/07, 84/09, 48/10, 18/13 i 8/17) ili drugom zakonskom regulativom vezanom uz sigurnost saobraćaja na cestama i to: postavljena saobraćajna signalizacija na cesti, tehnička ispravnost vozila, kvalifikovanost i sposobnost vozača, prilagođenost brzine stanju na cesti i vremenskim prilikama, poštujući princip da zaustavni put odgovara putu preglednosti - upravitelj ceste dužan je nadoknaditi štetu, ako je šteta nastala zbog nedostataka na cesti.

(2) Za ostvarivanje prava iz stava (1) ovog člana nedostatak na cesti u postupku dokazivanja štete mora utvrditi komisija sačinjena od predstavnika upravitelja ceste, nadležnog MUP-a i preduzeća koje je ugovorilo održavanje ceste.

(3) Ista komisija će utvrditi da li je otklanjanje tog nedostatka upravitelj predvidio Planom i programom održavanja cesta i ugovorio ili izvođaču radova naložio da otkloni te nedostatke, u skladu sa Pravilnikom o održavanju cesta i dinamičkim planom.

(4) Ukoliko je upravitelj planirao i ugovorio ili naložio otklanjanje utvrđenog nedostatka, nadoknadu štete iz stava 1. ovog člana upravitelj može tražiti od preduzeća sa kojim je ugovorio održavanje ceste, sanaciju ili rekonstrukciju, ako je šteta nastala zbog propuštanja blagovremenog i kvalitetnog izvršenja ugovorenih radova.

(5) Korisnik ceste, odnosno organ sigurnosti saobraćaja koji je utvrdio nedostatak na cesti, koji je uzrokovao ili bi mogao uzrokovati štetu korisnicima ceste dužan je bez odlaganja o opasnosti na cesti na najbrži mogući način obavijestiti upravitelja ili dežurnu službu preduzeća koje održava ceste.

III – PLANIRANJE, GRADNJA, REKONSTRUKCIJA, ODRŽAVANJE, UGOVARANJE I USTUPANJE RADOVA NA LOKALNIM CESTAMA I GRADSKIM ULICAMA

Član 6.

(Propisi na osnovu kojih se ceste grade i održavaju)

Lokalne ceste i gradske ulice se planiraju, projektuju, grade, rekonstruišu, saniraju i održavaju:

- tako da se rješenja usklade s najnovijim stručnim saznanjima iz područja projektovanja i gradnje, te s ekonomskim načelima i mjerilima za procjenu opravdanosti njihove gradnje,

- tako da njima bude obezbijeđeno sigurno učešće svih sudionika u saobraćaju, kao i usklađenost lokalnih cesta s drugim zahvatima u prostoru i okolišem kroz koji se protežu,
- pod uslovima koji su određeni zakonom i drugim propisima; propisima o projektovanju, zakonima o građenju i propisima za njegovo provođenje; propisima kojima je uređena zaštita okoline; propisima o uređivanju prostora, te propisima o sigurnosti prometa na lokalnim cestama.

1. Planiranje

Član 7.

(Strategija razvoja i održavanja cesta)

(1) Strategija razvoja i održavanja lokalnih cesta određuje ciljeve i temeljne zadaće pri razvitku i održavanju lokalnih cesta za razdoblje od 10 godina.

(2) Strategiju razvoja lokalnih cesta, kao i ulica i naselja na općini Zavidovići, donosi Općinsko vijeće.

(3) Strategija sadrži:

- analizu stanja lokalnih cesta i gradskih ulica i potrebe razvoja lokalnih cesta i gradskih ulica,
- temeljna mjerila za građenje lokalnih cesta, te prijedlog kriterija i prioriteta građenja,
- potrebe održavanja postojećih lokalnih cesta, načela održavanja lokalnih cesta, te prijedlog kriterija održavanja lokalnih cesta,
- ključna načela i elemente strategije,
- kriterije za realizaciju strategije,
- akcioni plan za realizaciju strategije.

Član 8.

(Srednjoročni program održavanja i zaštite)

(1) Srednjoročni program održavanja i zaštite, kao i program rekonstrukcije, izgradnje i obnove lokalnih cesta i gradskih ulica donosi Općinski načelnik uz saglasnost Općinskog vijeća.

(2) Izvještaj o ostvarivanju dugoročnih ciljeva razvoja cestovne infrastrukture utvrđenih strategijom o izvršenju za lokalne ceste upravitelj izvještaj podnosi Općinskom vijeću.

Član 9.

(Godišnji plan i program održavanja i zaštite)

(1) Godišnji plan i program održavanja i zaštite, kao i program rekonstrukcije, izgradnje i obnove lokalnih cesta i gradskih ulica do kraja tekuće godine za narednu godinu, donosi Općinski načelnik.

(2) Saglasnost na godišnji plan i program iz stava (1) ovog člana donosi Općinsko vijeće.

2. Izgradnja i rekonstrukcija lokalnih cesta i gradskih ulica

Član 10.

(Izgradnja, rekonstrukcija i sanacija)

(1) Pod izgradnjom cesta u smislu ove Odluke smatra se izgradnja cesta pretežno po novoj trasi.

(2) Pod rekonstrukcijom cesta, u smislu ove Odluke, smatraju se radovi na dijelu postojeće ceste kojim se mijenja njena temeljna karakteristika s ciljem povećanja kapaciteta ceste i razine usluge.

(3) Pod sanacijom (rehabilitacijom) cesta u smislu ove Odluke podrazumijevaju se radovi kojima se poboljšava sigurnost sudionika u prometu i održavanje projektiranog stanja cesta.

Član 11.**(Poslovi građenja, rekonstrukcije i sanacije)**

Poslovi građenja i rekonstruisanja lokalnih cesta i gradskih ulica u smislu Zakona i ove Odluke obuhvaćaju:

- građevinsko i drugo projektovanje sa istražnim radovima,
- projektovanje opreme, pratećih objekata, saobraćajne signalizacije i drugo projektovanje,
- stručnu ocjenu studija i projekata sa sistematskim i nezavisnim ocjenjivanjem parametara sigurnosti,
- otkup zemljišta i objekata,
- premještanje komunalne i druge infrastrukture,
- pribavljanje urbanističke saglasnosti i odobrenja za građenje nadležnog organa, ustupanje radova građenja,
- organizaciju stručnog nadzora i kontrole ugrađenih materijala i izvedenih radova,
- organizaciju tehničkog pregleda i primopredaju lokalne ceste te dijelova lokalne ceste i objekata na korištenje i održavanje.

Član 12.**(Izmještanje lokalne ceste)**

(1) Ako postojeću lokalnu cestu treba izmjestiti, dio ceste koji se izmješta mora se izgraditi po građevinskim standardima koji odgovaraju kategoriji te ceste, bez obzira na stvarno stanje u kojem se cesta nalazi u momentu izmještanja.

(2) Troškove premještanja ceste iz stava (1) ovoga člana, snosi investitor objekta radi kojeg se vrši izmještanje.

Član 13.**(Izgradnja regionalne i magistralne ceste kroz naselja koja imaju status ulice)**

(1) Nadležni općinski organi mogu tražiti da se magistralna ili regionalna cesta koja prolazi kroz naselje, koje ima status ulice ili grad izgradi ili rekonstruiše sa elementima koji utiču na povećanje troškova gradnje u odnosu na cestu izvan naselja kao što su veća širina kolovoza, gradnja trotoara, prostora za parkiranje vozila, izrada rasvjete i prilagođavanje putnih objekata posebnim potrebama.

(2) Povećane troškove gradnje ili rekonstrukcije ceste prouzrokovanih zahtjevom iz stava (1) ovog člana snosi podnosilac zahtjeva u visini sredstava u skladu sa ugovorom o sufinansiranju.

(3) Učestvovanje u finansiranju radova iz stava (1) ovog člana, kao i drugi odnosi sa upraviteljem ceste u vezi sa gradnjom i rekonstrukcijom, regulišu se ugovorom sa nadležnim općinskim organom.

Član 14.**(Premještanje postojećih instalacija)**

(1) U slučaju rekonstrukcije ceste i vršenja radova investicijskog održavanja lokalnih cesta i gradskih ulica, koji iziskuju premještanje postojećih instalacija u cestovnom pojasu, vlasnici instalacija na cesti dužni su o svom trošku izmjestiti te instalacije, odnosno prilagoditi ih nastalim promjenama, ako aktom o davanju saglasnosti za postavljanje tih instalacija ili ugovorom između vlasnika instalacija i onoga ko upravlja cestom nije drugačije uređeno.

(2) Investitor radova na rekonstrukciji ceste i vršenja radova investicijskog održavanja lokalnih cesta dužan je najmanje tri mjeseca ranije obavijestiti vlasnika instalacija o početku radova na rekonstrukciji ceste i omogućiti im uvid u tehničku dokumentaciju, ali nije dužan pribavljati saglasnosti vlasnika instalacija koje su u cestovnom pojasu.

(3) U slučaju da vlasnik instalacija u trupu ceste i u cestovnom pojasu ne izmjesti svoje instalacije iz stava (1) ovog člana i ne prilagodi ih nastalim promjenama do početka radova na

rekonstrukciji ceste, investitor radova na rekonstrukciji ceste radove premještanja, odnosno prilagođavanja izvršit će na teret vlasnika instalacija.

Član 15.

(Križanje ili priključivanje lokalnih cesta sa magistralnim ili regionalnim cestama)

(1) Križanje ili priključivanje lokalnih cesta sa magistralnim ili regionalnim cestama vrši se usmjeravanjem dviju ili više tih cesta na isto mjesto ukrštanja ili priključivanja, odnosno njihovim međusobnim povezivanjem prije mjesta ukrštanja ili priključivanja.

(2) Ako se novoizgrađena ili rekonstruisana cesta ukršta ili priključuje na postojeće ceste koje imaju makadamski kolovoz, postojeće ceste moraju se izvesti sa savremenim kolovoznim zastorom u dužini od najmanje dvadeset metara računajući od mjesta ukrštanja ili priključivanja.

(3) Troškove gradnje, odnosno rekonstrukcije mjesta ukrštanja ili priključivanja iz stava (1) ovog člana, odnosno izvođenja savremenog kolovoznog zastora iz stava (2) ovog člana snosi investitor ceste koji je prouzrokovao te troškove.

Član 16.

(Troškovi ukrštanja ceste i željezničke pruge)

(1) Ako je do ukrštanja ceste i željezničke pruge došlo zbog gradnje ili rekonstrukcije ceste, troškove gradnje nadvožnjaka, podvožnjaka ili mjesta ukrštanja i uređaja za zaštitu snosi investitor gradnje ceste.

(2) Ako je do ukrštanja ceste i željezničke pruge došlo zbog gradnje ili rekonstrukcije željezničke pruge, troškove gradnje nadvožnjaka, podvožnjaka ili mjesta ukrštanja i uređaja za zaštitu snosi investitor gradnje željezničke pruge.

(3) Izgrađeni nadvožnjaci, odnosno podvožnjaci iz stava (1) i (2) ovog člana pripadaju cesti ili željeznici zavisno od toga je li na njima cesta ili željeznička pruga.

Član 17.

(Mjere osiguranja u slučaju križanja lokalne ceste sa željezničkom prugom)

(1) Križanje cesta sa željezničkom prugom vrši se usmjeravanjem dviju ili više cesta na određeno zajedničko mjesto križanja.

(2) Na mjestu križanja cesta sa željezničkom prugom moraju se poduzeti mjere osiguranja propisane Zakonom o osnovama sigurnosti saobraćaja na cestama u Bosni i Hercegovini („Službeni glasnik BiH“, broj: 6/06, 74/06, 44/07, 84/09, 48/10, 18/13 i 8/17) i Zakonom o sigurnosti željezničkog prometa („Službeni list BiH“, broj: 33/95).

Član 18.

(Eksproprijacija nekretnina zbog građenja ceste ili ulice)

(1) Na postupak eksproprijacije nekretnina zbog građenja, rekonstrukcije i održavanja lokalnih cesta i gradskih ulica primjenjuje se Zakon o eksproprijaciji Federacije Bosne i Hercegovine („Službene novine Federacije BiH“, broj: 70/07 i 36/10).

(2) Kad se eksproprijacija provodi radi građenja, rekonstrukcije i održavanja lokalne ceste ili gradske ulice, prijedlog za eksproprijaciju nekretnine podnosi pravno lice koje je ovlašteno da upravlja lokalnim cestama i gradskim ulicama.

Član 19.

(Održavanje lokalnih cesta i gradskih ulica)

(1) Održavanje lokalnih cesta i gradskih ulica obuhvaća izvođenje radova kojima se osigurava nesmetan i siguran saobraćaj i očuvanje projektovanog stanja ceste.

(2) Radovi održavanja cesta mogu biti:

- radovi redovnog održavanja lokalnih cesta,
- radovi vanrednog održavanja lokalnih cesta.

(3) Radovi redovnog održavanja lokalnih cesta su:

- popravka kolovoza, trupa ceste, potpornih i obložnih zidova,
- uklanjanje odronjenog materijala i čišćenje kolovoza i objekata za odvodnju,
- održavanje bankina, bermi i kosina nasipa, usjeka i zasjeka,
- održavanje objekata na cestama, održavanje objekata, opreme i instalacija sistema naplate putarine i - inteligentnog saobraćajnog sistema za upravljanje i vođenje saobraćaja,
- izrada i postavljanje horizontalne i vertikalne signalizacije, svjetlosno-sigurnosnih uređaja, zamjena,
- popravka i uklanjanje oštećene i nepotrebne saobraćajne signalizacije i opreme ceste,
- košenje trave i održavanje zelenih površina i zasada u cestovnom pojasu,
- održavanje potrebne preglednosti cesta i oznaka u cestovnom pojasu,
- čišćenje snijega i leda sa kolovoza i posipanje kolnika s ciljem sprečavanja poledice,
- manji zahvati na obnavljanju, zamjeni i ojačanju dotrajalih kolovoza,
- manji zahvati na ojačanju i zamjeni propusta, potpornih i obloženih zidova i zaštita čeličnih konstrukcija od korozije,
- manji zahvati na ugrađivanju ivičnjaka i izradi pješačkih staza,
- manji zahvati na saniranju klizišta i odrona,
- vođenje podataka o lokalnim cestama,
- obavljanje i drugih poslova kojima se osigurava stalan, nesmetan i siguran saobraćaj na lokalnim cestama.

(4) Radovi vanrednog održavanja lokalnih cesta i gradskih ulica su obimniji radovi:

- obnavljanja, zamjene i ojačanja dotrajalih kolovoza,
- ojačanja i zamjene propusta i mostova dužine do deset metara, obnove potpornih i obloženih zidova i zaštita čeličnih konstrukcija od korozije,
- ugrađivanja ivičnjaka i izrada pješačkih staza,
- saniranja klizišta i odrona.

(5) Radovi vanrednog održavanja su radovi koji se izvode u cestovnom pojasu, mogu se izvoditi samo na osnovu tehničke dokumentacije, bez pribavljanja saglasnosti i druge dokumentacije prema Zakonu o prostornom uređenju.

Član 20.

(Poslovi održavanja cesta i ulica)

Poslovi održavanja lokalnih cesta i gradskih ulica su i:

- planiranje održavanja i mjere zaštite lokalnih cesta i saobraćaja na njima,
- ustupanje radova redovnog i vanrednog održavanja lokalnih cesta,
- stručni nadzor i kontrola kvaliteta ugrađenih materijala i izvedenih radova održavanja lokalnih cesta,
- osiguranje uklanjanja oštećenih i napuštenih vozila i drugih stvari i predmeta sa lokalne ceste,
- ophodnja (obilaženje, izviđanje, patrola) lokalnih cesta.

Član 21.

(Obaveza obavijesti u slučaju obustave saobraćaja)

(1) Radovi na održavanju lokalne ceste trebaju se izvoditi tako da se zbog njih ne obustavlja saobraćaj.

(2) U slučaju potrebe obustavljanja saobraćaja zbog izvođenja radova, upravitelj ceste će po zahtjevu izvođača radova, najkasnije u roku od 48 sati prije početka obustave saobraćaja, putem sredstava javnog informisanja obavijestiti učesnike u saobraćaju o obustavi saobraćaja, o preusmjeravanju saobraćaja za vrijeme obustave, te naložiti izvođaču radova da postavi dopunsku saobraćajnu signalizaciju i poduzme ostale radnje za sigurno odvijanje saobraćaja.

(3) Ukoliko se radovi izvode na dionici ceste gdje nije moguće izmjestiti saobraćaj, upravitelj ceste može zahtijevati da se radovi izvode noću.

Član 22.**(Održavanje kolovoza)**

(1) Upravitelj ceste dužan je osigurati održavanje kolovoza dijela lokalne ceste koja prolazi kroz naselje ili grad, odnosno učestvovati u finansiranju održavanja.

(2) Pravac, dužinu i širinu dijela lokalne ceste koja prolazi kroz naselje ili grad kao i način i uvjete održavanja kolovoza kao i poslove zaštite i sigurnosti tih cesta, utvrđuju ugovorom upravitelj ceste i izvođač radova.

(3) Navedenim ugovorom moraju se regulisati obaveze za dvosmjerno odvijanje saobraćaja na lokalnoj cesti kroz naselje ili grad.

3. Ustupanje radova**Član 23.****(Ustupanje poslova gradnje, rekonstrukcije, sanacije i održavanja cesta i ulica)**

(1) Upravitelji cesta direktno ne izvode radove gradnje, rekonstrukcije i održavanja lokalnih cesta.

(2) Izuzetno, subjekti iz prethodnog stava mogu izvoditi navedene radove, ako imaju potrebne kapacitete i ukoliko je to u funkciji racionalnosti, boljeg funkcioniranja sistema i ako je tehnološki i ekonomski opravdano.

(3) Izvođenje radova gradnje, rekonstrukcije i održavanja lokalnih cesta upravitelji cesta ustupaju po postupku i na način utvrđen Zakonom o javnim nabavkama („Službeni glasnik BiH“, broj: 39/14).

Član 24.**(Redovno održavanje)**

Predtakmičenje izvođača kao i postupak ustupanja radova redovnog održavanja cesta provodi se svake četiri godine po postupku i na način utvrđen Zakonom o javnim nabavkama.

Član 25.**(Uslovi za ustupanje radova)**

(1) Izvođenje radova na izgradnji, rekonstrukciji i održavanju lokalnih cesta smije se ustupiti samo izvođaču koji je registrovan, specijaliziran i opremljen za te poslove i koji raspolaže osposobljenim kadrovima za izvođenje tih radova.

(2) Osim uvjeta iz stava (1) ovog člana izvođač kome se mogu ustupiti poslovi redovnog održavanja cesta mora biti licenciran za tu vrstu poslova u skladu sa Pravilnikom o licenciranju koji donosi nadležni ministar.

Član 26.**(Održavanje lokalne ceste u slučaju štrajka)**

Upravitelj lokalnom cestom, korisnik koncesije i izvođač radova redovnog održavanja lokalne ceste dužni su i ovlašteni prilikom štrajka svojih radnika osigurati obavljanje redovnog održavanja lokalne ceste i to:

- nadzor nad prohodnosti i osposobljenosti lokalne ceste za siguran saobraćaj pregledima lokalne ceste,
- osigurati opasne dijelove na lokalnoj cesti,
- provođenje mjera za osiguranje lokalne ceste čiji bi izostanak mogao prouzrokovati oštećenje -lokalne ceste,
- otklanjanje posljedica prirodnih i drugih katastrofa na lokalnoj cesti,
- otklanjanje oštećenja lokalne ceste koja bi mogla uzrokovati prekid saobraćaja ili opasnost za učesnike u saobraćaju,
- prohodnost lokalne ceste u zimskom periodu najmanje u obimu koji omogućuje odvijanje saobraćaja uz upotrebu zimske opreme,
- osiguranje tekućih podataka o stanju i prohodnosti lokalne ceste.

IV – ZAŠTITA CESTA I UVJETI ODVIJANJA SAOBRAĆAJA NA CESTAMA**Član 27.****(Zaštita ceste)**

Pod zaštitom lokalnih cesta u smislu ove Odluke podrazumijeva se:

- zaštita cesta od prekomjernog opterećenja,
- zaštita cesta od prekoračenja ukupne mase i osovinskog opterećenja,
- zaštita od gradnje objekata u cestovnom pojasu cesta,
- reguliranje gradnje prilaznih cesta, autobusnih stajališta, parkinga i benzinskih pumpi,
- osiguranje preglednosti na raskrscima i u krivinama,
- zaštita od nekontrolisanog izlaska većeg broja ljudi, djece, te stoke i divljači na lokalnu cestu,
- sprečavanje vršenja radnji na cesti i u cestovnom pojasu kojima bi se mogla oštetiti lokalna cesta, odnosno ugrožavati saobraćaj ili povećati troškovi održavanja lokalne ceste, reguliranje odnosa sa susjedima uz lokalnu cestu,
- reguliranje postavljanja kablova, vodova i instalacija u trupu ceste u cestovnom i zaštitnom pojasu,
- sprečavanje deponovanja materijala na lokalnoj cesti i uz lokalnu cestu,
- uklanjanje zaustavljenih, pokvarenih, napuštenih i oštećenih vozila sa lokalne ceste i iz cestovnog pojasa,
- reguliranje ograničenja i zabrana saobraćaja,
- reguliranje postavljanja i dopune saobraćajne i turističke signalizacije,
- reguliranje postavljanja reklamnih znakova,
- evidencija cesta, cestovnog pojasa, saobraćajne signalizacije i opreme na lokalnim cestama,
- ovlašćenja upravitelja cesta u vezi sa zaštitom lokalnih cesta,
- obaveza ugovaranja održavanja i zaštite lokalnih cesta,
- kontrola gradnje ograda i vršenja drugih radova u cestovnom pojasu i poduzimanje mjera u cilju sprečavanja vršenja bespravnih radova u cestovnom pojasu.

Član 28.**(Vozila sa gusjenicama)**

(1) Motorna i priključna vozila koja obavljaju saobraćaj na lokalnim cestama, osim vozila sa gusjenicama moraju imati točkove sa pumpanim gumama.

(2) Motorna vozila sa gusjenicama mogu obavljati saobraćaj na lokalnim cestama sa savremenim kolovoznim zastorom samo ako su gusjenice opremljene oblogama sa ravnim površinama ili drugim odgovarajućim oblogama.

(3) Izuzetno od odredaba prethodnog stava, motorna vozila sa gusjenicama oružanih snaga Bosne i Hercegovine mogu obavljati saobraćaj na lokalnim cestama sa savremenim cestovnim zastorom i ako gusjenice nisu opskrbljene oblogama, uz obavezu naknade štete koja je time prouzrokovana.

(4) Naknadu štete iz stava (3) ovog člana utvrđuje komisija imenovana odlukom osnivača koju čine predstavnici nadležnog ministarstva i Ministarstva odbrane Bosne i Hercegovine.

Član 29.**(Vozila koja prelaze dozvoljenu težinu)**

(1) Vozila na lokalnoj cesti moraju udovoljavati propisanim uvjetima za pojedine vrste vozila u pogledu dimenzija, ukupne mase i osovinskog opterećenja.

(2) Prijevoz vozilima koja prazna ili zajedno sa teretom prelaze dozvoljenu težinu, osovinski pritisak ili dimenzije, odnosno granice dopuštenog opterećenja na lokalnim cestama smatra se vanrednim prijevozom.

(3) Prijevoz vozilima iz stava (2) ovog člana može se vršiti samo uz odobrenje za vanredni prijevoz, ako stanje lokalne ceste i saobraćaja na njoj to dopušta.

(4) Odobrenje za vanredni prijevoz može se izdati samo za prijevoz nedjeljivog tereta, ako se ovaj prijevoz ne može vršiti drugim prijevoznim sredstvima.

(5) Uvjeti i način na koji se vanredni prijevoz može vršiti utvrđuje se u odobrenju za vanredni prijevoz.

(6) Odobrenje za vanredni prijevoz na nadležni općinski organ za lokalne ceste.

(7) Pravna i fizička lica kod kojih se vrši utovar na vozila dužni su se pridržavati dozvoljenih maksimalnih ograničenja prilikom utovara tereta na vozila u pogledu propisanih uvjeta za pojedine vrste vozila koji se odnose na dimenzije, ukupnu masu i osovinsko opterećenje.

(8) Način i uvjete vršenja vanrednog prijevoza, postupak izdavanja odobrenja, nadziranje osovinskog pritiska, ukupne dopuštene mase i dimenzija vozila na lokalnim cestama regulira se Pravilnikom za vršenje vanrednog prijevoza koji donosi ministar, uz saglasnost Federalnog ministarstva unutrašnjih poslova.

Član 30.

(Troškovi vanrednog prijevoza)

Troškove vanrednog prijevoza kao što su: trošak izdavanja odobrenja za vanredni prijevoz, trošak poduzimanja posebnih mjera osiguranja za vanredni prijevoz (podupiranje mostova, ojačanje objekata, izgradnja devijacija, proširenja kao i izrada elaborata o mogućnosti prolaska vanrednog prijevoza i pratnja), trošak pregleda vanrednog prijevoza i naknada za vanredni prijevoz snosi podnosilac zahtjeva.

Član 31.

(Kontrola osovinskog pritiska)

(1) Kontrolu osovinskog pritiska ukupne dopuštene mase i dimenzije vozila na lokalnim cestama vrši upravitelj ceste, uz prisustvo predstavnika organa unutrašnjih poslova.

(2) Ako se kontrolom iz stava (1) ovog člana utvrdi da masa vozila, njegovo osovinsko opterećenje ili dimenzije prelaze dopuštenu masu i dimenzije vozila, a prijevoz se vrši bez odobrenja za vanredni prijevoz ili opterećenje i dimenzije vanrednog prijevoza ne odgovaraju veličinama u dozvoli za vanredni prijevoz, vozilo se isključuje iz saobraćaja o čemu će se sačiniti zapisnik koji se dostavlja nadležnoj inspekciji radi pokretanja prekršajnog postupka.

(3) Iz saobraćaja se isključuje i vozilo čiji vozač odbije da izvrši kontrolu ukupne mase i osovinskog opterećenja vozila na zahtjev ovlaštenog lica.

(4) Privremeno isključivanje vozila iz saobraćaja mogu vršiti inspektori lokalnih cesta ili ovlašteni radnici Ministarstva unutrašnjih poslova, uz prisustvo predstavnika upravitelja ceste. Isključivanje iz saobraćaja vrši se skidanjem registarskih tablica sa vozila kojim je vršen vanredni prijevoz bez dozvole ili suprotno uvjetima iz dozvole i oduzimanjem saobraćajne dozvole na zapisnik sačinjen na licu mjesta.

(5) Prijevoznik može nastaviti prijevoz nakon što upravitelju ceste plati naknadu, te kada dobije odobrenje za vanredni prijevoz ili uskladi ukupnu masu vozila i njegovo osovinsko opterećenje sa propisanim normativima ili uvjetima iz dozvole.

(6) U vrijeme dok je vozilo isključeno iz saobraćaja, prijevoznik se stara o isključenom vozilu i snosi sve posljedice isključenja iz saobraćaja.

Član 32.

(Naknada za prekomjernu upotrebu ceste)

(1) Pravna ili fizička lica zbog čije djelatnosti dolazi do prekomjerne upotrebe lokalne ceste dužna su platiti naknadu za prekomjernu upotrebu ceste.

(2) Visina naknade za prekomjernu upotrebu lokalne ceste utvrđuje se na osnovu Elaborata o procjeni oštećenja koje će prekomjerna upotreba lokalne ceste prouzrokovati.

(3) Elaborat o procjeni oštećenja o prekomjernoj upotrebi lokalne ceste izrađuje stručno lice o trošku podnosioca zahtjeva.

(4) Prilikom utvrđivanja mjerila za prekomjernu upotrebu lokalne ceste mora se voditi računa o djelatnosti i učestalosti prijevoza vozilima određenog pravnog ili fizičkog lica i opterećenju lokalne ceste.

Član 33.

(Zaštitni pojas)

(1) Zaštitni pojas uz lokalne ceste (zaštitni cestovni pojas) je pojas na kojem važi poseban režim gradnje i uspostavlja se s ciljem zaštite lokalne ceste i sigurnosti saobraćaja na njoj od štetnih uticaja i različitih aktivnosti u prostoru pored lokalne ceste.

(2) U postupku izdavanja odobrenje za građenje ili urbanističke saglasnosti za građenje objekata i instalacija na lokalnoj cesti ili unutar cestovnog i zaštitnog pojasa lokalne ceste organ nadležan za prostorno uređenje obavezan je zatražiti prethodnu saglasnost, odnosno odobrenje od upravitelja ceste.

(3) Zaštitni pojas lokalne ceste u smislu stava (1) ovog člana mjeri se od vanjskog ruba zemljišnog pojasa tako da je u pravilu širok sa svake strane 5 m.

Član 34.

(Gradnja objekata na mjestima ukrštanja i u zaštitnom i cestovnom pojasu)

Mjesta ukrštanja sa željezničkom prugom, benzinske stanice, autobusne stanice i parkirališta za potrebe lokalne ceste, odmorišta i prateći objekti mogu se graditi u zaštitnom i cestovnom pojasu lokalne ceste samo na način i pod uvjetima utvrđenim u odobrenju, odnosno saglasnosti upravitelja ceste.

Član 35.

(Priključak na lokalnu cestu)

(1) Pod priključkom i prilazom na lokalnu cestu smatra se spoj lokalne ceste i svih površina sa kojih se vozila direktno uključuju u saobraćaj ili isključuju iz saobraćaja.

(2) Križanje lokalnih cesta međusobno ne smatra se priključkom i prilazom na lokalnu cestu.

(3) Priključak i prilaz na lokalnu cestu može se izvesti samo na osnovu odobrenja upravitelja ceste.

(4) Troškove izgradnje priključka i prilaza na lokalnu cestu u skladu sa odobrenim projektom priključka snosi investitor priključka.

Član 36.

(Odobrenje za priključak)

(1) Odobrenje za gradnju priključka i prilaza investitoru se može izdati samo ukoliko su ispunjeni uvjeti za gradnju priključka i prilaza propisani Zakonom o cestama i Pravilnikom o uvjetima za projektovanje i gradnju priključaka i prilaza.

(2) Upravitelj ceste nije dužan izdati odobrenje za priključivanje na lokalnu cestu za objekte izgrađene na osnovu građevinske dozvole za koju nije tražena saglasnost upravitelja ceste.

(3) Ako već izgrađeni priključak na lokalnu cestu ne zadovoljava uvjete sigurnog priključivanja, upravitelj ceste je ovlašten zahtjevati njegovo prilagođavanje promijenjenim okolnostima. Troškove njegovog preuređenja plaća investitor priključka ili njegov pravni nasljednik.

Član 37.

(Podnošenje prijave za priključak bez odobrenja)

Ako se priključak na lokalnu cestu izgradi bez odobrenja upravitelja ceste ili suprotno uvjetima iz odobrenja, upravitelj ceste podnijet će prijavu nadležnom inspekcijском organu.

Član 38.

(Izgradnja nove autobuske stanice)

(1) Na već izgrađenim lokalnim cestama može se dozvoliti izgradnja novih autobuskih stanica, uz odobrenje upravitelja ceste.

(2) Pravilnik o uvjetima za projektovanje i uređenje autobuskih stanica donosi nadležni ministar.

Član 39.

(Uvjeti za uređenje prostora za izgradnju na lokalnoj cesti)

(1) Uvjete za uređenje prostora za izgradnju i rekonstrukciju objekata i instalacija na lokalnoj cesti i unutar cestovnog pojasa lokalne ceste utvrđuje upravitelj ceste izdavanjem odobrenja, a uvjete uređenja prostora i izgradnje objekata i instalacija u zaštitnom cestovnom pojasu utvrđuje upravitelj ceste izdavanjem saglasnosti.

(2) Uvjetima iz stava (1) ovog člana za objekte, odnosno instalacije koje se nalaze na lokalnoj cesti, odnosno unutar zemljišnog pojasa lokalne ceste, utvrđuju se način, dinamika, te rokovi izrade tih radova, kao i određivanje lokaliteta na kojima se objekti ne mogu graditi, te minimalno odstojanje objekata iste namjene jednog od drugog.

Član 40.

(Trokut preglednosti)

(1) U blizini raskršća dviju lokalnih cesta u nivou ili križanja ceste sa željezničkom prugom u nivou, ili na unutrašnjim stranama cestovnog zavoja ne smije se saditi drveće ili grmlje, postavljati naprave, ograde, reklamni znakovi ili drugi predmeti koji onemogućavaju preglednost na lokalnoj cesti, odnosno željezničkoj pruzi (trokut preglednosti). Dužina stranica trokuta preglednosti utvrđuje se tehničkom dokumentacijom ceste, odnosno željezničke pruge.

(2) Vlasnici, odnosno korisnici ili posjednici zemljišta dužni su, na zahtjev upravitelja ceste odnosno korisnika koncesije, ukloniti drveće, grmlje, naprave, ograde, reklamne znakove i druge predmete radi osiguranja preglednosti na lokalnoj cesti.

(3) Ako vlasnik, odnosno korisnik ili posjednik zemljišta ne postupi u skladu sa odredbom stava (2) ovog člana, upravitelj ceste putem izvođača radova koji održava cestu osigurat će izvođenje tih radova na teret vlasnika, korisnika ili posjednika zemljišta.

(4) Održavanje prijelaza u nivou ceste sa željezničkom prugom sporazumom regulišu upravitelj ceste i upravitelj pruge.

(5) Ako ne dođe do sporazuma konačnu odluku o održavanju prijelaza donosi arbitražna komisija sastavljena od predstavnika nadležnog ministarstva, upravitelja ceste i upravitelja pruge.

Član 41.

(Obaveza postavljanja zaštitne ograde)

(1) Ako se pored lokalne ceste nalaze objekti gdje se skupljaju građani kao što su sportski stadioni, dječija igrališta, škole, javni lokali ili zemljište koje se koristi za lovišta, držanje stoke i pašnjake, ti objekti, odnosno zemljište moraju se zaštitnom ogradom odvojiti od cestovnog pojasa.

(2) Ako je potreba za postavljanjem zaštitne ograde iz prethodnog stava prouzrokovana gradnjom ili rekonstrukcijom javne ceste, troškove postavljanja i održavanja zaštitne ograde snosi investitor.

(3) Ako je potrebu za postavljanjem zaštitne ograde prouzrokovao korisnik objekta ili zemljišta iz stava (1) ovog člana, nadležna inspekcija cesta donosi rješenje kojim utvrđuje

obavezu tom korisniku da postavi i održava zaštitnu ogradu.

(4) Ako korisnik objekta ili zemljišta ne postupi po rješenju iz prethodnog stava, nadležni inspektor za ceste izdat će nalog da se postavljanje zaštitne ograde izvrši o trošku korisnika.

Član 42.

(Zabrana radova na lokalnoj cesti)

(1) Zabranjeno je poduzimati bilo kakve radove ili radnje na lokalnoj cesti i cestovnom pojasu, - ako bi ti radovi ili radnje mogli oštetiti cestu, povećati troškove održavanja, odnosno ugrožavati ili ometati saobraćaj na njoj, a naročito:

- iznositi blato na cestu ili bilo čime prljati cestu,
- na cestu i u odvodna tijela ceste dovoditi vodu i druge tekućine i ometati njihovo otjecanje sa ceste i iz odvodnih tijela ceste,
- istresati u cestovne jarke materijal ili tekućine,
- napajati i pasti životinje u cestovnim jarcima i na cestovnom pojasu, puštati ih da prelaze ili ih zadržavati na cestovnom pojasu,
- u zaštitnom pojasu izgrađivati pojilišta za životinje,
- po cesti vući grede, balvane i druge predmete čime bi se cesta mogla oštetiti,
- prosipati po cesti maziva ili druge masne tvari,
- bez odgovarajuće zaštite na zemljištu ili zgradama pored ceste izvoditi radove koji bi mogli oštetiti cestu ili ugroziti sigurnost saobraćaja,
- spuštati kamenje, drvo, druge predmete i materijal niz kosine cestovnih nasipa i usjeka,
- ostavljati na cesti i u cestovnom pojasu pokvarena, oštećena ili trajno napuštena vozila,
- posipati ili bacati materijal ili predmete na cestu i u odvodna tijela ceste ili ga deponovati uz cestu,
- vršiti bilo koje druge radove na kosinama nasipa, zasjeka i usjeka,
- isctavati i brisati horizontalne i vertikalne signalizacije te premještati, otuđivati i izmijeniti vertikalnu signalizaciju i cestovnu opremu,
- sjeći šume u zaštitnom pojasu ceste ukoliko ona narušava stabilnost kosina,
- postavljati reklamne znakove uz cestu suprotno odredbama ove Odluke.

(2) Ako se na lokalnoj cesti izvode ili su izvedeni radovi ili radnje koje mogu oštetiti lokalnu cestu, povećati troškove održavanja ili ugroziti sigurnost saobraćaja na njoj, nadležna inspekcija ceste i upravitelj ceste dužni su poduzeti sve potrebne mjere za otklanjanje opasnosti za oštećenje ceste i sigurnost saobraćaja na njoj.

(3) U slučaju iz stava (2) ovog člana inspektor ceste kao i upravitelj ceste ovlašteni su obustaviti radove ili radnje iz stava (2) ovog člana i naložiti otklanjanje nedostataka u kratkom roku.

(4) Ukoliko investitor i izvođač radova ne otklone nedostatke u ostavljenom roku, upravitelj ceste otklanjanje nedostataka naložit će organizaciji koja održava cestu o trošku investitora ili izvođača radova koji nije otklonio nedostatke ili podnijeti prijavu nadležnoj inspekciji.

Član 43.

(Održavanje sportskih priredbi na lokalnim cestama i gradskim ulicama)

Sportske priredbe i druge manifestacije na lokalnim cestama mogu se održavati pod uvjetima i na način utvrđen od nadležnog Ministarstva unutrašnjih poslova i uz saglasnost nadležne Službe za upravu ekonomskih poslova i poduzetništva.

Član 44.

(Obaveza dozvole pristupa na privatna zemljišta)

(1) Komšije pored lokalne ceste moraju dopustiti jednostavan odvod vode i odlaganje snijega na njihovo zemljište, ako im se time ne nanosi šteta.

(2) Komšije pored lokalne ceste moraju, u skladu sa Zakonom i uz odštetu, dopustiti pristup do cestovnih objekata radi njihovog održavanja, gradnje odvodnih jaraka i drugih uređaja za odvod vode od cestovnog pojasa do recipijenta, te postavljanje privremenih ili stalnih uređaja i uređenja za zaštitu ceste i saobraćaja na njoj od leda, snijega, buke, štetnih svjetlosnih uticaja i slično, ako ih nije moguće postaviti na zemljište koje je sastavni dio ceste.

Član 45.

(Odobrenje za radove na lokalnoj cesti)

(1) Izuzetno od odredbi člana 42. može se dati odobrenje za radove koji se na drugi način ne mogu izvesti ili bi njihovo izvođenje zahtijevalo velike troškove kao što su poprečno postavljanje u trupu ceste i na cestovnim objektima cjevovoda, kablova i vodova (na objektima i uzdužno), rušenje i uklanjanje drveća koje ugrožava sigurnost saobraćaja na cesti ili bi moglo dovesti do ugrožavanja sigurnosti saobraćaja na cesti.

(2) Odobrenje iz prethodnog stava izdaje upravitelj cesta.

(3) U odobrenju se određuju uvjeti i način izvođenja radova.

(4) Odobrenje iz stava (1) ovog člana nije potrebno ako dođe do oštećenja uređaja i instalacija, ugrađenih u lokalnu cestu ili ako dođe do pada drveća na cestu i ako je zbog toga neposredno ugrožena sigurnost saobraćaja, odnosno život i zdravlje građana ili bi mogla nastati veća privredna šteta.

(5) Vlasnik ili korisnik uređaja instalacija postavljenih u lokalnu cestu i u ulice u naseljima i gradu uz cestovni pojas kao i vlasnik drveća na kojima je došlo do oštećenja zbog kojih može nastati neposredna opasnost za lokalnu cestu i učesnike u saobraćaju i okolišu, dužan je o tome obavijestiti upravitelja ceste, odnosno korisnika koncesije, odnosno nadležno kantonalno ministarstvo saobraćaja i kantonalno ministarstvo unutrašnjih poslova.

(6) Vlasnik ili korisnik uređaja i instalacija ili drveća iz stava (5) ovog člana mora u što kraćem roku otkloniti oštećenja na njima radi dovođenja lokalne ceste i ulice prometa u prvobitno stanje i o tome obavijestiti nadležne organe i organizacije kao i u stavu (5) ovog člana.

Član 46.

(Deponovanje građevinskog materijala i drugih predmeta)

(1) Građevinski materijali i drugi predmeti ne mogu se deponovati pored cesta na udaljenosti manjoj od pet metara računajući od cestovnog pojasa, kao ni na većoj udaljenosti, ako bi se time ometala potrebna preglednost ili se ugrožavala sigurnost saobraćaja.

(2) Materijal namijenjen za radove na cesti može se deponovati na cesti, s tim da cijela širina kolovoza mora ostati slobodna za siguran saobraćaj u oba pravca.

(3) U oštroj krivini ovaj materijal može se deponovati samo na vanjskoj strani krivine ceste.

(4) Upravitelj cesta ili nadležni inspektor za ceste izdat će nalog da se o trošku vlasnika uklone svi materijali i predmeti deponovani suprotno odredbama stava (1) ovog člana.

Član 47.

(Uklanjanje vozila i tereta sa lokalne ceste)

(1) Ako se vozilo na kolovozu ceste popriječi ili ako snagom vlastitog motora ne može savladati uspon u zimskim uvjetima odvijanja saobraćaja ili ako sa vozila padne teret, vozač je dužan, ako je to moguće, vozilo, odnosno teret odmah ukloniti sa kolovoza. Ako to ne učini, upravitelj ceste izdat će nalog izvođaču radova koji održava cestu da uklanjanje vozila odnosno tereta izvrši za račun vlasnika odnosno korisnika vozila.

(2) Oštećeno vozilo ili vozilo u kvaru vozač je dužan, ako mu je to moguće, odmah ukloniti sa ceste. Ako to ne učini, upravitelj ceste će dati nalog službi „Pomoć-informacije“ na cestama da se uklanjanje vozila izvrši u skladu sa ugovorom o vršenju službe „Pomoć – informacije“, na cestama na teret vlasnika odnosno korisnika vozila.

Član 48.

(Zabrana i ograničenje saobraćaja zbog oštećenja ceste)

(1) Ako se cesta nalazi u takvom stanju da se na njoj uopće ne može odvijati saobraćaj ili samo za pojedine vrste vozila ili ako bi saobraćaj pojedinih vrsta vozila nanosio štetu cesti, ili ako se radovi na rekonstrukciji ili održavanju ceste ne mogu izvesti bez obustavljanja ili ograničenja saobraćaja, ili ako drugi razlozi sigurnosti saobraćaja to zahtijevaju, Ministarstvo saobraćaja, na prijedlog upravitelja ceste nadležnog općinskog organa za lokalne ceste može zabraniti ili ograničiti saobraćaj na toj cesti za pojedine vrste vozila na cijeloj cesti ili samo na pojedinim njenim dijelovima.

(2) Opća zabrana ili ograničenje saobraćaja na cesti može biti samo privremeno, a zabrana ili ograničenje saobraćaja za pojedine vrste vozila može biti privremeno ili stalno. Zabrana ili ograničenje saobraćaja mora se pravovremeno objaviti putem sredstava javnog informiranja, ili na drugi pogodan način prema mjesnim prilikama i označiti odgovarajućim saobraćajnim znakovima na cesti.

(3) Za radove redovnog održavanja nije potrebno izdavati saglasnost o posebnom režimu odvijanja saobraćaja.

(4) Uz zahtjev za zabranu ili ograničenje saobraćaja radi izvođenja radova na lokalnoj cesti, izvođač radova je dužan dostaviti organu iz stava (1) ovog člana, tehničku dokumentaciju o organizaciji izvođenja radova kao i prijedlog eventualno drugog mogućeg načina odvijanja saobraćaja na tom cestovnom pravcu.

Član 49.

(Ceste u postupku gradnje)

Odredbe o zaštiti cesta i uvjetima odvijanja saobraćaja na cestama primjenjuju se na ceste u gradnji i cestovne pravce za koje je usvojen projekt o gradnji ceste.

Član 50.

(Obaveza obavještenja o stanju ceste)

Upravitelj ceste dužan je blagovremeno obavijestiti nadležno ministarstvo unutrašnjih poslova o svim promjenama stanja na cestama koje bitno utiču na prohodnost cesta i sigurnost saobraćaja, kao i o poduzetim mjerama za nesmetano odvijanje saobraćaja.

Član 51.

(Saobraćajni projekat)

(1) Saobraćajna signalizacija i oprema, te turistička signalizacija postavljaju se na lokalnoj cesti na osnovu saobraćajnog projekta.

(2) Upravitelj ceste uz saglasnost nadležne općinske Službe za upravu ekonomskih poslova i poduzetništva, ovlašten je izmijeniti saobraćajni projekt iz stava (1) ovog člana.

Član 52.

(Garancija sigurnosti saobraćaja)

(1) Za svaki zahvat na lokalnoj cesti, pri izvođenju radova održavanja ili drugih radova pod saobraćajem moraju se postaviti odgovarajući privremeni saobraćajni znakovi, odnosno provesti tehnička regulacija saobraćaja na način da se garantira sigurnost saobraćaja i izvođača radova uz najmanje ometanje saobraćajnih tokova.

(2) Tehničkom regulacijom iz stava (1) ovog člana mora se osigurati pravovremena uočljivost zapreka i drugih barijera na lokalnoj cesti i gradskim ulicama danju u vrijeme

nedovoljne vidljivosti i noću, postavljanjem odgovarajućih treptavih narančastih svjetala ili drugih adekvatnih tehničkih pomagala.

(3) Radovi na lokalnim cestama i ulicama, a naročito na kolovozima, osim neodložnih radova na otklanjanju nedostataka koji neposredno ugrožavaju sigurnost saobraćaja moraju se, po pravilu, planirati i izvoditi u danima kada je saobraćajni tok slabijeg intenziteta, a izričito ne u dane vikenda, praznika i pojačanog saobraćaja zbog turističkih putovanja.

(4) Odmah po završetku radova na lokalnoj cesti sva privremena saobraćajna signalizacija i oprema mora biti uklonjena i istovremeno postavljena trajna saobraćajna i ostala signalizacija i oprema u skladu sa saobraćajnim projektom.

(5) Odobrenje za izmjenu režima saobraćaja izdaje nadležno ministarstvo u skladu sa privremenim saobraćajnim projektom.

Član 53.

(Obaveza vođenja evidencije cesta)

Upravitelji cesta za ceste kojima upravljaju dužni su voditi evidencije tih cesta, cestovnog pojasa, saobraćajne signalizacije i opreme na njima.

Član 54.

(Odobrenja koja izdaje upravitelj ceste)

(1) Upravitelj lokalnih cesta u okviru vršenja javnih ovlaštenja pokreće upravni postupak po službenoj dužnosti ili po zahtjevu stranke i donosi rješenja kada izdaje:

- odobrenje za vanredni prijevoz,
- odobrenje za prekomjernu upotrebu lokalne ceste,
- odobrenje za izgradnju objekata i instalacija,
- odobrenje za izgradnju priključka, odnosno prilaza na lokalnu cestu,
- odobrenje za izgradnju autobusnih stajališta,
- odobrenje za poprečno postavljanje instalacija,
- nalog za obustavu vršenja bespravnih radnji i otklanjanje smetnji na cesti i u

zaštitnom pojasu,

- odobrenje za postavljanje reklama,
- rješenje o povratu dijela uplaćenih sredstava za registraciju vozila.

(2) Protiv upravnih akata iz stava (1) ovog člana može se podnijeti žalba nadležnom općinskom organu.

Član 55.

(Osiguranje trajnog i kvalitetnog održavanja i zaštite ceste)

(1) U okviru osiguranih finansijskih sredstava za održavanje i zaštitu cesta, u skladu sa usvojenim godišnjim planom i programom održavanja i zaštite cesta upravitelj je dužan osigurati trajno i kvalitetno održavanje i zaštitu cesta kojim upravlja i omogućiti sigurno i nesmetano odvijanje saobraćaja na tim cestama za učesnike u saobraćaju koji poštuju saobraćajne propise, saobraćajnu signalizaciju, vremenske uvjete, stanje na cestama i okolišu.

(2) Upravitelj cesta i preduzeća koja održavaju ceste ugovorom regulišu uvjete i način izvršavanja radova održavanja i zaštite lokalnih cesta i druga pitanja vezana uz njihovo održavanje i zaštitu.

(3) Ugovor iz prethodnog stava, između ostalog, sadrži:

- vrstu radova koji su predmet ugovora;
- vrijeme na koje je ugovor zaključen;
- ugovorenu vrijednost radova;
- premjer i predračun radova;
- način i postupak izrade i donošenja planova i programa;
- uvjete i način izvođenja radova;
- tehnički nadzor u izvođenju radova;

- način obračuna, rokove plaćanja i druge uvjete za obračun i isplatu izvršenih radova;
- odgovornost za štete i druge odgovornosti;
- način rješavanja sporova.

(4) Ugovor o održavanju lokalnih cesta mora se zaključivati u kontinuitetu.

(5) Preduzeće za ceste kojem se ugovorom iz stava (2) ovog člana povjeri obavljanje poslova održavanja i zaštite lokalnih cesta odgovorno je za kvalitetno, stručno i pravovremeno izvršenje tih poslova, u skladu sa Pravilnikom o održavanju javnih cesta.

V – FINANSIRANJE LOKALNIH CESTA

Član 56.

(Sredstva za održavanje i izgradnju cesta)

Finansijska sredstva za održavanje, zaštitu, obnovu, rekonstrukciju i izgradnju lokalnih cesta osiguravaju se:

A - iz javnih prihoda

1. godišnjim naknadama za korištenje cesta što se plaćaju prilikom registracije za motorna i priključna vozila;
 2. naknadama za ceste na inozemna motorna i priključna vozila;
 3. posebnim naknadama za službu „Pomoć - informacije“ na cestama;
 4. naknadama za ceste što se plaćaju za vanredno korištenje lokalnih cesta (vanredni prijevoz);
 5. naknadama za ceste što se plaćaju za prekomjerno korištenje javnih cesta zbog opterećenja i učestalosti vozila;
 6. naknadama za korištenje cestovnog zemljišta ili od reklamnih znakova;
 7. ostale naknade prema posebnim propisima;
- B - kreditima
- C - donacijama / grantovima
1. budžeta grada i općine,
 2. donacijama drugih donatora.

Član 57.

(Osiguranje finansijskih sredstava)

Finansijska sredstva iz člana 56. tačka C 1. osiguravaju se u budžetu Općine, u skladu sa materijalnim mogućnostima, za svaku godinu pojedinačno.

VI – INSPEKCIJSKI NADZOR

Član 58.

(Poslovi inspeksijskog nadzora)

(1) Poslove inspeksijskog nadzora nad provođenjem ove Odluke vrši općinski inspektor za ceste.

(2) Općinski inspektor za ceste, vršeći inspeksijski nadzor u skladu sa Zakonom i ovom Odlukom ima slijedeća prava i dužnosti:

1. pregledati stanje lokalnih cesta i gradskih ulica,
2. pregledati radove na izgradnji, rekonstrukciji, sanaciji, održavanju i zaštiti lokalnih cesta i gradskih ulica,
3. pregledati radove i radnje koji se obavljaju na cesti u zaštitnom i cestovnom pojasu lokalnih cesta,
4. pregledati tehničku dokumentaciju u vezi sa radovima iz prethodnih tački 2. i 3. (dozvole, saglasnosti, projekti, standardi),
5. pregledati planove, programe, ugovore i ostalu dokumentaciju koja se odnosi na održavanje i zaštitu lokalnih cesta i gradskih ulica,
6. pregledati provođenje mjere za osiguranje lokalnih cesta i gradskih ulica i

saobraćaja na njima,

7. pregledati provođenje propisanih uvjeta za obavljanje zahvata u cestovnom i zaštitnom pojasu lokalnih cesta,

8. pregledati obavljanje upravnih i stručno-tehničkih poslova na lokalnim cestama.

(3) Općinski inspektor za ceste, vršeći inspekcijski nadzor, ima pravo:

1. pregledati objekte, uređaje, materijale, dokumentaciju preduzeća i upravne organizacije koje upravljaju cestama, kao i izvođača na gradnji, rekonstrukciji ili održavanju cesta,

2. saslušati stranke i svjedoke primjenom pravila upravnog postupka,

3. uzeti uzorke materijala, te obavljati druge poslove koji su u skladu sa namjenom inspekcijskog nadzora,

4. dobiti lične podatke o pravnim i fizičkim licima, podatke o vlasništvu vozila, podatke o vlasništvu zemljišta i objekata u zaštitnom pojasu ceste, kao i druge podatke potrebne za vođenje postupka u vezi sa kršenjem ove Odluke.

(4) Vršeći inspekcijski nadzor, općinski inspektor za ceste ima pravo narediti:

1. obustavu radova koji se izvode na lokalnim cestama, u cestovnom ili zaštitnom pojasu gradskim ulicama suprotno odredbama ove Odluke, tehničkim propisima, standardima i normativima, te dati rok za otklanjanje nedostataka,

2. otklanjanje nedostataka na lokalnim cestama i gradskim ulicama koji ugrožavaju sigurnost saobraćaja na njima,

3. privremenu zabranu odvijanja saobraćaja na lokalnim cestama ili njihovom dijelu, ako utvrdi da se na njima ne može sigurno odvijati saobraćaj, te narediti da se odmah poduzmu mjere za osiguranje saobraćaja,

4. obustavu saobraćaja cestovnim motornim vozilima koja zbog svojih tehničkih svojstava ili načina na koji saobraćaju mogu nanijeti štetu lokalnoj cesti ili njenom dijelu i kada je njihov saobraćaj na cesti u suprotnosti sa ovom Odlukom,

5. isključenje cestovnog motornog vozila iz saobraćaja na lokalnoj cesti kada utvrdi da dimenzije i ukupna masa ili njegovo osovinsko opterećenje prelazi veličine iz člana 34. ove Odluke, a prijevoznik nema odgovarajuću dozvolu za vanredni prijevoz,

6. privremenu zabranu saobraćaja na novoizgrađenoj i rekonstruiranoj lokalnoj cesti, njenom dijelu ili objektu na njoj, ako utvrdi da sa gledišta sigurnosti saobraćaja ne ispunjava tehničke uslove,

7. rušenje građevine ili njenih dijelova i drugih objekata na teret investitora, kao i uspostavljanje prvobitnog stanja, ako su izgrađene ili se grade na nerazvrstanoj cesti ili cestovnom pojasu bez odobrenja ili saglasnosti ili suprotno uvjetima iz odobrenja, odnosno saglasnosti nadležnog organa,

8. uklanjanje bilo kakvih izvedenih radova, predmeta, materijala, tekućina, drveća, grana ili rastinja, ograda, kolaca, kapija, iz cestovnog pojasa,

9. otkloniti učinjeno bilo koje oštećenje na kolovozu, elementima i trupu ceste, objektima, signalizaciji, pojasu ceste te vraćanje u prvobitno stanje,

10. uklanjanje reklamnih znakova u cestovnom i zaštitnom pojasu postavljenih bez odobrenja ili suprotno uslovima iz odobrenja nadležnog organa,

11. u nužnim slučajevima, kada bi bila ugrožena sigurnost saobraćaja na lokalnim cestama i gradskim ulicama ili bi mogla nastati šteta na njima, odrediti privremene mjere kako bi se otklonila opasnost ili spriječila šteta,

12. odobriti postavljanje ili uklanjanje saobraćajne signalizacije te izvođenje radova redovnog održavanja o trošku podnosioca zahtjeva, angažovanjem pravnog lica za održavanje ceste,

13. da se u polju preglednosti otklone nedostaci i nepravilnosti prouzrokovane kršenjem propisanih mjera za osiguranje preglednosti lokalnih cesta i gradskih ulica,

14. narediti uklanjanje nedostataka i vraćanje u prvobitno stanje, koji na bilo koji način

zauzimaju cestovni pojas suprotno odredbama zaštite ceste,

15. narediti privremenu zabranu provođenja plana, odobrenja, zaključaka, ugovora, saglasnosti, odluka, naredbi i slično, (akata) vezanih za održavanje i zaštitu cesta, a koji su u suprotnosti sa odredbama ove Odluke,

16. poduzimanje i drugih mjera u skladu sa važećim propisima.

(5) Općinski inspektor za ceste je dužan bez odlaganja podnijeti zahtjev za pokretanje prekršajnog postupka, ako u vršenju nadzora utvrdi da je počinjen prekršaj iz ove Odluke.

Član 59.

(Omogućavanje inspekcijskog nadzora)

(1) Pravna i fizička lica kod kojih se vrši inspekcijski nadzor dužna su omogućiti rad inspektorima, pružiti potrebnu pomoć i na njegovo traženje u određenom roku dostaviti podatke i dokumentaciju za vršenje inspekcijskog nadzora.

(2) Izjavljena žalba na rješenje ili zaključak inspektora ne odlaže njegovo izvršenje.

(3) U slučaju potrebe, kada je ugrožena bezbjednost učesnika u saobraćaju, ljudi i okoline, inspektor može narediti usmeno ili zapisnikom potrebnu mjeru, o čemu se donosi rješenje u roku od tri dana. Naredba je izvršna odmah nakon izricanja.

(4) Ako počinitelj prekršaja u određenom roku ne izvrši rješenje doneseno u prvostepenom postupku, inspektor donosi zaključak o izvršenju rješenja prisilnim izvršenjem angažiranjem trećih osoba, odnosno drugog izvođača na trošak počinitelja, s predloženim načinom izvršenja.

(5) Upravitelj ceste ili mjerodavna uprava ili služba za inspekcijske poslove osigurat će materijalna sredstva za prisilno izvršenje, s tim što će troškove potraživati od počinitelja direktno ili putem nadležnog tijela ukoliko stranka odbije snositi troškove izvršenja.

(6) Tijela unutrašnjih poslova dužna su tijelu nadležnom za provođenje izvršenja pružiti pomoć u provođenju izvršenja.

VII – KAZNENE ODREDBE

Član 60.

(Vrste prekršaja i visine kazni)

(1) Novčanom kaznom u iznosu od 1.500,00 KM do 15.000,00 KM bit će kažnjeni za prekršaj investitor ili preduzeće za ceste, ili općinski organ, ili drugo pravno lice ako:

1. ima nepotpunu tehničku dokumentaciju za izgradnju i rekonstrukciju ceste i ako ne predvidi mjesta za objekte koji služe tim cestama;

2. izmješteni dio ceste ne izgradi sa elementima koji odgovaraju kategoriji postojeće ceste (član 12.);

3. ne izmjesti ili ne prilagodi instalacije nastalim promjenama u roku ili ako investitor radova na cesti pravovremeno ne obavijesti imaoce instalacija o otpočinjanju radova na cesti (član 14.);

4. ne pristupi kontroli osovinskog pritiska ukupne dopuštene mase i dimenzija vozila iz člana 31. ove Odluke;

5. ne plati naknadu za prekomjernu upotrebu lokalne ceste iz člana 32. Odluke;

6. u cestovnom i zaštitnom pojasu lokalne ceste podiže objekte ili izda odobrenje za gradnju objekata suprotno odredbama 33. ove Odluke;

7. ne plati naknadu za korištenje cestovnog zemljišta;

8. ne obavlja poslove javnog ovlaštenja u skladu sa odredbama člana 53. ove Odluke;

9. u trokutima preglednosti gradi objekte ili vrši radnje koje smetaju preglednosti ceste (član 40.);

10. ne vodi evidenciju lokalnih cesta, cestovnog pojasa, saobraćajne signalizacije i opreme ceste (član 53.);

11. ne osigura trajno, neprekidno i kvalitetno održavanje i zaštitu cesta i ne zaključi ugovor o održavanju cesta u skladu sa odredbama člana 55. ove Odluke;

12. uvede plaćanje naknade za upotrebu cesta suprotno odredbama članova 56. i 57. ove Odluke;

13. inspektoru za ceste ne omogući vršenje inspekcije i ne pruži mu pomoć pri vršenju inspekcije iz člana 60. ove Odluke;

14. ne izvrši ili ne izvrši u roku rješenje - nalog inspektora za ceste iz člana 59.

(2) Za prekršaj iz prethodnog stava novčanom kaznom u iznosu od 500,00 KM do 3.000,00 KM bit će kažnjeno i odgovorno lice u općini koje izda odobrenje za građenje objekata u zaštitnom pojasu lokalne ceste u suprotnosti sa odredbama Zakona o cestama i ovom Odlukom.

Član 61.

(1) Novčanom kaznom u iznosu od 1.000,00 KM do 10.000,00 KM bit će kažnjeno za prekršaj preduzeće za održavanje cesta ili drugo pravno lice, ako:

1. izvodi radove na održavanju cesta suprotno odredbama člana 20. ove Odluke;

2. ne izvodi radove na održavanju cesta prema Pravilniku iz člana 25. ove Odluke;

3. ne izvodi radove na održavanju i zaštiti cesta, prema ugovoru iz člana 56. ove Odluke;

4. u saobraćaju na cestama koristi vozilo suprotno odredbi člana 32. ove Odluke;

5. na cesti vrši vanredni prijevoz bez rješenja o odobrenju ili suprotno uvjetima izdatim u rješenju o odobrenju, ili izvrši utovar na vozila suprotno dozvoljenim uvjetima za pojedine vrste vozila kako je navedeno u članu 29. stav (8) ove Odluke;

6. polaže cjevovode, kablove, vodove ili gradi benzinsku stanicu, prostor za parkiranje vozila, odmorišta i prateće objekte bez odobrenja ili suprotno uvjetima izdatim u saglasnosti iz člana 33. ove Odluke;

7. priključak na lokalnu cestu izgradi bez odobrenja ili suprotno uvjetima izdatim u odobrenju iz član 35. i 37. ove Odluke;

8. objekt ili zemljište ne odvoji zaštitnom ogradom od cestovnog pojasa iz člana 41. ove Odluke;

9. na cesti vrši neku od radnji iz člana 42. ove Odluke;

10. onemogući odvodnjavanje vode sa cestovnog pojasa i pristup preduzeću koje održava ceste do odvodnih jaraka i drugih uređaja za odvod vode do recipijenta iz člana 44. ove Odluke;

11. na cesti izvodi radove bez odobrenja ili suprotno uvjetima propisanim odobrenjem u članu 45. ove Odluke;

12. građevinski materijal i druge predmete deponuje na cesti suprotno odredbama člana 46. ove Odluke;

13. vozilo, odnosno teret odmah ne ukloni sa kolovoza ceste iz člana 47. stav (1) ove Odluke i ako sa kolovoza ceste odmah ne ukloni oštećeno vozilo iz člana 47. stav (2) ove Odluke;

14. pri izvođenju radova održavanja, sanacije i rekonstrukcije i drugih radova na javnoj cesti ne postavi odgovarajuću privremenu saobraćajnu signalizaciju ili privremenu saobraćajnu signalizaciju ne ukloni po završetku radova iz člana 52. ove Odluke;

15. na javnoj cesti postavlja reklamne znakove suprotno odredbama člana 40. ove Odluke.

(2) Za prekršaj iz prethodnog stava novčanom kaznom u iznosu od 500,00 KM do 3.000,00 KM bit će kažnjeno i odgovorno lice u preduzeću ili drugom pravnom licu.

Član 62.

Novčanom kaznom u iznosu od 200,00 KM do 1.500,00 KM bit će kažnjen i građanin odnosno fizičko lice za prekršaj iz člana 41. i 42. ove Odluke, koji se odnosi na fizička lica.

VIII- ZAVRŠNE ODREDBE

Član 63.

(Početak primjene Odluke)

Ova Odluka stupa na snagu osmog dana od dana objavljivanja u „Službenom glasniku Općine Zavidovići“.

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-14-131/18-AP-9

Datum: 05.04.2018. godine

Na osnovu člana 62. stav 2. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/12 i 20/17), člana 22. Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići („Službeni glasnik Općine Zavidovići“, broj: 3/2015 i 8/2017) i člana 25. Statuta Općine Zavidovići („Službeni glasnik Općine Zavidovići“, broj: 5/2008 i 5/a/2008), Općinsko vijeće Zavidovići na svojoj 20. sjednici održanoj dana 05.04.2018. godine donijelo je

ODLUKA

o visini i načinu ostvarivanja prava na naknade i dodatke na plaću zaposlenih u općinskom organu državne službe Općine Zavidovići

DIO PRVI – OPĆE ODREDBE

Član 1. (Predmet)

Ovom Odlukom utvrđuje se visina i način ostvarivanja prava na naknade i dodatke na plaću općinskog načelnika, općinskog pravobranioca, zamjenika općinskog pravobranioca, savjetnika općinskog načelnika, državnih službenika i namještenika zaposlenih u općinskom organu državne službe Općine Zavidovići (u daljem tekstu zaposleni Općine Zavidovići).

DIO DRUGI – NAKNADE I DODACI NA PLAĆE

POGLAVLJE I – NAKNADE OPĆINSKOG NAČELNIKA, OPĆINSKOG PRAVOBRANIOCA, ZAMJENIKA OPĆINSKOG PRAVOBRANIOCA I SAVJETNIKA OPĆINSKOG NAČELNIKA

Član 2. (Naknade)

U skladu sa članom 10. stav 1. Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići, općinski načelnik, općinski pravobranilac, zamjenik općinskog pravobranioca i savjetnik općinskog načelnika koji funkciju savjetnika obavlja profesionalno imaju pravo na naknade i to:

- (a) Naknada plaće zbog bolesti ili povrede na radu,
- (b) Naknada za troškove ishrane (topli obrok),
- (c) Naknada za odvojen život od porodice i smještaj u mjestu rada,
- (d) Naknada za godišnji odmor i plaćeni dopust,
- (e) Naknada za slučaj smrti, teške bolesti i invalidnosti,
- (f) Otpremnina,
- (g) Naknada troškova za službeno putovanje.

Član 3.

(Naknada plaće zbog bolesti ili povrede na radu)

(1) Za prvih 42 dana odsutnosti s posla zbog bolesti ili povrede, zaposleni Općine Zavidovići iz člana 2. stav 1. ove Odluke imaju pravo na naknadu plaće u visini plaće koju su ostvarili za prethodni mjesec.

(2) Zaposleni Općine Zavidovići iz člana 2. stav 1. ove Odluke imaju pravo na naknadu plaće u visini od 70% plaće koju su ostvarili za prethodni mjesec prije odsutnosti s posla zbog bolesti ili povrede za odsutnost s posla duže od 42 dana, a najduže 12 mjeseci odnosno do kraja mandata.

(3) Zaposleni Općine Zavidovići iz člana 2. stav 1. ove Odluke imaju pravo na naknadu plaće u punom iznosu koju su ostvarili za prethodni mjesec ako je do odsutnosti s posla došlo iz razloga povrede na radu.

Član 4.

(Naknada za troškove ishrane - topli obrok)

(1) Zaposleni Općine Zavidovići iz člana 2. stav 1. ove Odluke imaju pravo na naknadu troškova ishrane (topli obrok) u visini od 1% prosječne neto plaće isplaćene u Federaciji Bosne i Hercegovine po zadnjem statističkom podatku.

(2) Naknada za troškove ishrane (topli obrok) neće se obračunavati za vrijeme odsutnosti s posla po osnovu službenog puta ako se koristi dnevnicu, plaćenog ili neplaćenog dopusta, bolesti ili povrede na radu, godišnjeg odmora i drugim slučajevima odsustva sa posla.

Član 5.

(Naknada za odvojeni život od porodice i smještaj u mjestu rada)

Naknada za odvojeni život od porodice i smještaj u mjestu rada zaposleni Općine Zavidovići iz člana 2. stav 1. ove Odluke ostvaruju u visini i pod uvjetima utvrđenim u članu 23. ove Odluke kojim se reguliše pitanje ove naknade za državne službenike i namještenike zaposlene u općinskom organu državne službe Općine Zavidovići.

Član 6.

(Naknada za godišnji odmor i plaćeni dopust)

Zaposleni Općine Zavidovići iz člana 2. stav 1. ove Odluke koji u toku tekuće kalendarske godine imaju pravo na godišnji odmor u Općini Zavidovići u skladu sa Pravilnikom o radnim odnosima državnih službenika i namještenika u jedinstvenom općinskom organu uprave i posebnih službi Općine Zavidovići imaju pravo na naknadu za vrijeme godišnjeg odmora (regres) u visini 50% prosječne neto plaće isplaćene u Federaciji Bosne i Hercegovine po zadnje objavljenom statističkom podatku i pravo na naknadu za plaćeni dopust u dužini od 30 dana u visini svoje neto plaće iz prethodnog mjeseca.

Član 7.

(Naknada za slučaj smrti, teške bolesti i invalidnosti)

Naknadu za slučaj smrti, teške bolesti i invalidnosti zaposleni Općine Zavidovići iz člana 2. stav 1. ove Odluke ostvaruju u visini i pod uvjetima utvrđenim u članu 24. i 25. ove Odluke kojim se reguliše pitanje ove naknade za državne službenike i namještenike zaposlene u općinskom organu državne službe Općine Zavidovići.

Član 8.

(Otpremnina)

Zaposleni Općine Zavidovići iz člana 2. stav 1. ove Odluke imaju pravo na isplatu otpremnine prilikom odlaska u penziju u iznosu od pet njihovih prosječnih plaća isplaćenih u prethodnih pet mjeseci.

Član 9.

(Naknada troškova za službeno putovanje)

Naknadu troškova za službeno putovanje zaposleni Općine Zavidovići iz člana 2. stav 1. ove Odluke ostvaruju u visini i pod uvjetima propisanim članu 29. do 41. ove Odluke kojom se reguliše pitanje ove naknade za državne službenike i namještenike zaposlene u općinskom organu državne službe Općine Zavidovići.

**POGLAVLJE II – DODACI NA PLAĆU I NAKNADE DRŽAVNIH
SLUŽBENIKA I NAMJEŠTENIKA****Član 10.**

(Dodaci na plaću)

(1) U skladu sa članom 17. stav 1. Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići državni službenici i namještenici zaposleni u općinskom organu državne službe Općine Zavidovići (u daljem tekstu državni službenici i namještenici) imaju pravo na dodatke na plaću i to za:

- (a) inspektore,
- (b) vatrogasce,
- (c) poslove koji se vrše pod posebnim uslovima određenim posebnim zakonom,
- (d) naučni stepen magistra i doktora nauka.

(2) Dodatak iz stava 1. ovog člana obračunava se na osnovnu plaću bez dijela plaće po osnovu penzijskog staža i čini sastavni dio plaće. Dodaci na plaću obračunavaju se i isplaćuju samo za dane provedene na radu.

Član 11.

(Dodatak na plaću za inspektore)

Dodatak na plaću za inspektore iznosi 20% od osnovne plaće.

Član 12.

(Dodatak na plaću za vatrogasce)

Dodatak na plaću za starješinu profesionalne vatrogasne jedinice, njegovog zamjenika i vatrogasce, i ostale državne službenike i namještenike angažovane u profesionalnoj vatrogasnoj jedinici iznosi 10% od osnovne plaće.

Član 13.

(Dodatak na plaću za poslove koji se vrše pod
posebnim uslovima određenim posebnim zakonom)

Dodatak na plaću za poslove koji se vrše pod posebnim uslovima određenim posebnim zakonom iznosi:

- 10% od osnovne plaće za pomoćnik načelnika, državne službenike i namještenike u Službi za upravu civilne zaštite, osim lica iz člana 12. ove Odluke,
- državni službenici i namještenici za lična stanja građana 10 % osnovne plaće,
- državni službenici i namještenici koji obavljaju po nalogu poslove ličnih stanja građana 10 % osnovne plaće za vrijeme obavljanja ovih poslova.

Član 14.

(Dodatak na plaću za naučni stepen magistra i doktora nauka)

Dodatak na plaću državnim službenicima koji imaju naučne stepene ako izvršavanje njihovih poslova zahtijeva takve kvalifikacije i propisani su kao uslov Pravilnikom o unutrašnjoj organizaciji i sistematizaciji radnih mjesta, iznosi:

- (a) naučni stepen doktora 15 %,
- (b) naučni stepen magistra 10 %.

Član 15.
(Naknade)

U skladu sa članom 18. stav 1. Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići državni službenici i namještenici imaju pravo na naknade i to:

- (a) naknada za prekovremeni rad, rad u dane sedmičnog odmora, noćni rad i rad u državne praznike,
- (b) plaćeni dopust,
- (c) naknada za ishranu tokom rada,
- (d) regres za godišnji odmor,
- (e) naknada za bolovanje,
- (f) naknada za porodiljski dopust,
- (g) naknada za službeno putovanje,
- (h) naknada za prevoz na posao i sa posla,
- (i) naknada za odvojen život od porodice i smještaj u mjestu rada,
- (j) naknada za slučaj povrede na radu, teške bolesti i invalidnosti,
- (k) naknada za slučaj smrti i pravo na osiguranje od posljedica nesretnog slučaja,
- (l) otpremnina,
- (m) naknada za slučaj prekobrojnosti i
- (n) naknada za rad u komisijama.

Član 16.

(Naknada za prekovremeni rad, rad u dane sedmičnog odmora, noćni rad i rad u dane državnih praznika)

(1) U slučaju prekovremenog rada, rada u dane sedmičnog odmora, noćnog rada ili rada u dane državnih praznika, državni službenik i namještenik ima pravo na naknadu osnovne plaće srazmjerno vremenu trajanja tog rada, uvećanom za postotak utvrđen kolektivnim ugovorom.

(2) Državnom službeniku i namješteniku osnovna plaća uvećat će se:

- a) za prekovremeni rad 25 % neto satnice,
- b) za rad u dane sedmičnog odmora 15 % neto satnice,
- c) za noćni rad 25 % neto satnice,
- d) za rad u dane praznika koji su po zakonu određeni državni praznici 40 % neto satnice.

(3) Obračun naknade iz stava 1. ovog člana vrši se od osnovne plaće bez dijela plaće po osnovu penzijskog staža. Naknada iz ovog člana čini sastavni dio plaće.

Član 17.

(Plaćeni dopust)

Državni službenik i namještenik ima pravo na plaćeni dopust u dužini od 30 dana u visini svoje neto plaće iz prethodnog mjeseca.

Član 18.

(Naknada za ishranu tokom rada)

(1) Državni službenik i namještenik imaju pravo na naknadu troškova ishrane (topli obrok) u visini od 1% prosječne neto plaće isplaćene u Federaciji Bosne i Hercegovine po zadnjem statističkom podatku.

(2) Naknada za troškove ishrane (topli obrok) neće se obračunavati za vrijeme odsutnosti s posla po osnovu službenog puta ako se koristi dnevnicu, plaćenog ili neplaćenog dopusta, bolovanja, porodiljskog odsustva, godišnjeg odmora i drugim slučajevima odsustva sa posla.

Član 19.

(Regres za godišnji odmor)

(1) Državni službenik i namještenik imaju pravo na naknadu za vrijeme godišnjeg odmora (regres) u visini 50% prosječne neto plaće isplaćene u Federaciji Bosne i Hercegovine po zadnje objavljenom statističkom podatku.

(2) Pravo na regres iz stava 1. ovog člana ima svaki državni službenik i namještenik koji u toku tekuće kalendarske godine ima pravo na godišnji odmor u Općini Zavidovići u skladu sa Pravilnikom o radnim odnosima državnih službenika i namještenika u jedinstvenom općinskom organu uprave i posebnih službi Općine Zavidovići.

Član 20.

(Naknada za bolovanje)

(1) Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec.

(2) Naknada plaće za bolovanje preko 42 dana iz stava 1. ovog člana ostvaruje se po propisu Zeničko-dobojskog kantona kojim se uređuje naknada za bolovanje, s tim da razliku do pune plaće isplaćuje Općina Zavidovići.

Član 21.

(Naknada za porodijski dopust)

Državni službenik i namještenik za vrijeme porodijskog dopusta ima pravo na naknadu plaće prema propisima Zeničko-dobojskog kantona kojim se uređuje ova oblast, prema mjestu uplate doprinosa s tim da razliku do visine pune plaće uplaćuje Općina Zavidovići.

Član 22.

(Naknada za prijevoz na posao i s posla)

(1) Državnom službeniku i namješteniku kome nije organizovan službeni prijevoz na posao i s posla, a čije je mjesto stanovanja od mjesta rada udaljeno najmanje 2 km, pripada naknada za troškove prijevoza u visini mjesečne karte gradskog, prigradskog i međugradskog saobraćaja.

(2) U međugradski saobraćaj spadaju mjesta koja su udaljena od mjesta rada do 70 km.

(3) Naknada za prijevoz na posao i s posla neće se obračunavati za vrijeme odsutnosti s posla po osnovu službenog puta, plaćenog dopusta, bolovanja, porodijskog dopusta, godišnjeg odmora i drugim slučajevima odsustva sa posla.

Član 23.

(Naknada za odvojeni život od porodice i smještaj u mjestu rada)

(1) Državni službenik i namještenik čije je mjesto prebivališta udaljeno više od 70 km od mjesta rada, tj. u kojem vrši službenu dužnost, ima pravo na naknadu troškova za odvojeni život od porodice i naknadu troškova smještaja u mjestu rada u visini od 150,00 KM mjesečno.

(2) Ukoliko državni službenik ili namještenik iz prethodnog stava ovog člana ili član njegove uže porodice definisan u članu 25. stav 3. ove Odluke imaju u vlasništvu i zakupu stambenu jedinicu bliže od 70 km od sjedišta Općine Zavidovići, nemaju pravo na naknadu za odvojeni život od porodice i naknadu troškova smještaja u mjestu rada bez obzira da li je koristi za stanovanje.

Član 24.

(Naknada za slučaj povrede na radu, teške bolesti i invalidnosti)

(1) U slučaju povrede na radu, teške bolesti ili invalidnosti državnog službenika ili namještenika isplaćuje se jednokratna novčana pomoć u visini od dvije prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

(2) Pravo na jednokratnu pomoć iz stava 1. ovog člana na osnovu povrede na radu ostvaruje se za tešku tjelesnu povredu koja je nastala u vezi sa radom u državnoj službi i koja nije nastala krivicom ili nepažnjom državnog službenika i namještenika.

(3) Pod teškom bolešću iz stav 1. ovog člana podrazumjevaju se sljedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani, moždani), oboljenje mišićnog sistema, paraliza i druge teške bolesti i teške tjelesne povrede određene općim aktom Federalnog ministarstva zdravstva.

(4) Državni službenik i namještenik ima pravo na isplatu jednokratne novčane pomoći u slučaju teške bolesti člana njegove uže porodice definisan u članu 25. stav 3. ove Odluke u visini od jedne prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

(5) Pravo na jednokratnu pomoć iz stava 1. ovog člana na osnovu invalidnosti ostvaruje se za utvrđeni stepen invalidnosti od najmanje 60 % invalidnosti koja je nastala u vezi sa radom u državnoj službi.

Član 25.

(Naknada za slučaj smrti i pravo na osiguranje od posljedica nesretnog slučaja)

(1) U slučaju smrti državnog službenika ili namještenika njegovoj porodici se isplaćuju troškovi sahrane u visini od dvije prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

(2) Naknada iz stava 1. ovog člana isplaćuje se i u slučaju smrti člana uže porodice državnog službenika i namještenika.

(3) Članom uže porodice državnog službenika ili namještenika, u smislu stava 1. Ovog člana smatraju se bračni i vanbračni drug ako žive u zajedničkom domaćinstvu, dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina odnosno do 26 godina starosti ako se nalaze na redovnom školovanju i nisu u radnom odnosu, a djeca nesposobna za rad bez obzira na starosnu dob), roditelji (otac, majka, očuh, maćeha i usvojitelji) pod uvjetom da žive u zajedničkom domaćinstvu sa državnim službenikom i namještenikom, braća i sestre bez roditelja do 18 odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uvjetom da s njima živi u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.

(4) Ukoliko u organu državne službe istog nivoa vlasti rade dva ili više članova porodice, troškovi sahrane iz stava 1. ovog člana se isplaćuju samo jednom zaposlenom članu porodice.

(5) Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u organima državne službe.

(6) Visina premije osiguranja po ovom osnovu određuje se prema osiguranoj sumi u polici osiguranja od posljedica nesretnog slučaja odnosno polici osiguranja od prirodne smrti.

(7) Ugovor o osiguranju sa osiguravajućom kućom zaključuje Općinski načelnik za sve državne službenike i namještenike zaposlene u općini u skladu sa Kolektivnim ugovorom i Zakonom o javnim nabavkama BiH.

Član 26.

(Otpremnina)

Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plaća isplaćenih u prethodnih pet mjeseci.

Član 27.

(Naknada u slučaju prekobrojnosti)

U slučaju prestanka radnog odnosa državnog službenika odnosno namještenika zbog prekobrojnosti, taj državni službenik odnosno namještenik ima pravo na naknadu u iznosu i to:

- (a) za radni staž do 10 godina naknada iznosi tri neto plaće državnog službenika odnosno namještenika.
- (b) za radni staž od 11 do 30 godina naknada iznosi šest neto plaća državnog službenika odnosno namještenika
- (c) za radni staž preko 30 godina naknada iznosi deset neto plaća državnog službenika odnosno namještenika.

Član 28.

(Naknada za rad u komisijama)

(1) Članovi komisija koje se formiraju na osnovu rješenja Općinskog načelnika, a čije osnivanje je predviđeno zakonom ili odlukom, imaju pravo na maksimalnu mjesečnu naknadu za rad u komisijama do visine 1,5 osnovice za obračun plaće zaposlenih Općine Zavidovići.

(2) Visina naknade za rad u komisiji utvrđuje se u paušalnom iznosu i to do 50,00 KM mjesečno za predsjednika komisije, do 40,00 KM mjesečno za članove komisije i do 20,00 KM mjesečno za tehničkog sekretara komisije zavisno od složenosti posla koji komisija obavlja.

(3) Tačan iznos odnosno visinu naknade za rad svojim aktom utvrđuje Općinski načelnik za svaku pojedinačnu komisiju. Pravo na naknadu članovi komisije imaju samo u slučaju da su u komisiji radili nakon radnog vremena.

(4) Naknade za rad u komisijama koje se finansiraju od uplata fizičkih ili pravnih osoba ne ulaze u ograničenje iz stava 1. ovog člana.

**POGLAVLJE III – NAKNADA TROŠKOVA ZA SLUŽBENO PUTOVANJE
ZAPOSLENIH OPĆINE ZAVIDOVIĆI****Član 29.**

Zaposleni Općine Zavidovići imaju pravo na naknadu troškova koji nastanu u vezi sa službenim putovanjem u inostranstvu i na području Federacije Bosne i Hercegovine, odnosno Bosne i Hercegovine, koji se ostvaruju prema odredbama ove Odluke.

Član 30.

(Pojam službenog putovanja)

(1) Pod službenim putovanjem u smislu ove Odluke smatra se putovanje na području Federacije Bosne i Hercegovine, odnosno Bosne i Hercegovine, kao i putovanje u inozemstvo, na koje se zaposleni Općine Zavidovići upućuje da izvrši određeni službeni zadatak (posao).

(2) Pod službenim putovanjem na području Federacije, odnosno Bosne i Hercegovine, smatra se ono putovanje koje se vrši van sjedišta općinskog organa državne službe, a putovanje u inozemstvo podrazumijeva putovanje u stranu zemlju.

Član 31.

(Vrste naknada za službeno putovanje)

Naknade za službena putovanja obuhvataju naknadu za ishranu, smeštaj i prijevozne i druge troškove propisane ovom Odlukom.

Član 32.

(Naknada za ishranu - dnevica)

(1) Pod dnevnicom, u smislu ove Odluke podrazumijeva se naknada troškova za ishranu na službenom putovanju.

(2) Dnevica za službeno putovanje u zemlji utvrđuje se u visini od 25,00 KM.

Član 33.

(Visina dnevnice)

Visina dnevnice za službeno putovanje u inostranstvo utvrđuje se za svaku državu pojedinačno i primjenjivat će se dnevnicе utvrđene u prilogu Uredbe o naknadama za troškova za službena putovanja Federacije Bosne i Hercegovine koja se primjenjuju za zaposlene u organima vlasti Federacije Bosne i Hercegovine.

Član 34.

- (1) Jedna dnevnicа obračunava se za svaka 24 sata provedena na službenom putovanju.
- (2) Za službeno putovanje koje traje duže od 12 sati, obračunava se jedna dnevnicа, a za službeno putovanje koje traje 8 do 12 sati pola dnevnice.
- (3) Ako je na službenom putovanju osigurana besplatna ishrana, pripadajuća dnevnicа se umanjuje za 30%.
- (4) Dnevnicе i naknada za topli obrok međusobno se isključuju.
- (5) Zaposleni Općine Zavidovići je dužan u izvještaju o obavljenom službenom putovanju navesti da li je i u kojoj mjeri je istom bila osigurana ishrana u slučaju da se sa priloženih računa isto ne može sa sigurnošću utvrditi.

Član 35.

(Naknada za smještaj - noćenje)

- (1) Naknada za noćenje obračunava se u visini plaćenog hotelskog računa, a najviše do iznosa odobrenog nalogom za službeno putovanje.

Član 36.

- (1) Za službeno putovanje, koje zaposleni Općine Zavidovići obavlja u svojstvu člana delegacije, na međunarodnim susretima i skupovima, na kojima organizator, odnosno domaćin određuje uvjete smještaja, troškovi smještaja obračunavaju se na osnovu stvarno plaćenog iznosa računa hotela i u slučaju kada on prelazi iznos odobren nalogom za službeno putovanje.
- (2) Ako je na službenom putu obezbijeđen besplatan smještaj zaposleni Općine Zavidovići nema pravo na naknadu troškova smještaja, u skladu s odredbama ove Odluke.

Član 37.

(Naknade za troškove prijevoza)

- (1) Naknade za troškove prijevoza na službenom putovanju, obračunavaju se u visini prijevozne karte iz putničke tarife za prijevoz sredstvom one vrste i razreda koji se mogu upotrebljavati na službenom putovanju prema putnom nalogu.
- (2) Ako je na službenom putu obezbijeđen besplatan prijevoz zaposleni Općine Zavidovići nema pravo na naknadu troškova prijevoza, u skladu s odredbama ove Odluke.

Član 38.

(Korištenje privatnog automobila)

- (1) Zaposlenom Općine Zavidovići koji za službene potrebe, uz prethodno odobrenje Općinskog načelnika, koristi putnički automobil u privatnom vlasništvu, pripada naknada u visini 15% cijene litra benzina BMB 95 na teritoriji Bosne i Hercegovine, po pređenom kilometru na odobrenoj relaciji.
- (2) Isplata naknade iz stava (1) ovog člana predstavlja naknadu troškova za gorivo i amortizaciju automobila i ista ne isključuje troškove nastale po osnovu plaćene cestarine, putarine, mostarine, naknade za korištenje tunela, parkinga i drugih troškova nastalih u vezi sa prijevozom na službenom putovanju.
- (3) Kod obračuna naknade za korištenje ličnog putničkog automobila isti se vrši na način da se obračuna najkraća udaljenost koju državni službenik mora prijeći prijevoznim sredstvom,

a koja se može utvrditi (izmjeriti) na geografskoj karti namijenjenoj vozačima i ona je mjerodavna prilikom određivanja stvarne udaljenosti službenog putovanja.

Član 39.

(Ostale vrste naknada)

(1) Pod ostalim naknadama za izdatke koji nastanu u vezi sa službenim putovanjem u inostranstvo i na području Bosne i Hercegovine podrazumijevaju se izdaci koji nastanu u svrhu obavljanja službenog putovanja.

(2) Izdaci iz stava 1. ovog člana obračunavaju se prema priloženom računu.

Član 40.

(1) Svako službeno putovanje u inostranstvo i u zemlji vrši se na osnovu naloga za službeno putovanje.

(2) Na osnovu naloga za službeno putovanje može se isplatiti akontacija u visini procijenjenih troškova za predviđeno službeno putovanje i to isključivo u nacionalnoj valuti Bosne i Hercegovine.

(3) Putni nalog za službeno putovanje zaposlenih Općine Zavidovići izdaje se u formi iz Anexa i ove Odluke.

DIO TREĆI - PRELAZNE I ZAVRŠNE ODREDBE**Član 41.**

(Primjena na državne službenike i namještenike u Općinskom pravobranilaštvu Zavidovići)

Odredbe ove Odluke primjenjuju se i na državne službenike i namještenike zaposlene i raspoređene na radna mjesta u Općinskom pravobranilaštvu Zavidovići.

Član 42.

(Donošenje provedbenih akata)

Postupak ostvarivanja naknada i dodataka na plaću propisanih ovom Odlukom bliže će se regulisati pravilnikom koji donosi Općinski načelnik u roku 30 dana od dana stupanja na snagu ove Odluke.

Član 43.

(Primjena drugih propisa)

Na pitanja koja nisu regulisana ovom Odlukom shodno se primjenjuju odredbe Zakona o radu („Službene novine Federacije BiH“, broj: 26/16), Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10 i 111/12) i Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 23/17 – prečišćen tekst) koje regulišu ovu oblast sa izmjenama i dopunama ovih propisa koji budu doneseni nakon stupanja na snagu ove Odluke.

Član 44.

(Započeti postupci i usklađivanje akta)

Postupci za ostvarivanje prava koji su započeti do stupanja na snagu ove Odluke okončat će se primjenom odredbama propisa iz člana 45. ove Odluke.

Općinski načelnik će u roku 15 dana od dana stupanja na snagu ove Odluke uskladiti član 43. Pravilnikom o unutrašnjoj organizaciji jedinstvenog Općinskog organa uprave i posebnih službi Općine Zavidovići („Službeni glasnik Općine Zavidovići“, broj: 9/2014, 7/2015, 4/2016 i 7/2017) sa članom 13. stav 1. alineja 1. ove Odluke.

Član 45.

(Prestanak važenja propisa)

Stupanjem na snagu ove Odluke prestaje da važi Pravilnik o ostvarivanju naknada i drugih materijalnih davanja koja nemaju karakter plaće („Službeni glasnik Općine Zavidovići“, broj: 10/2005, 6/2007 i 1/2012).

Član 46.

(Stupanje na snagu)

Ova Odluka stupa na snagu prvog narednog dana od dana objavljivanja u „Službenom glasniku Općine Zavidovići“.

**PREDSJEDAVAJUĆI
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-31-757/18-AP-5
Datum: 05.04.2018. godine

Na osnovu člana 23. stav 1. i 2. i člana 53. stav 1. i 2. Zakona o stvarnim pravima („Službene novine Federacije BiH“, broj: 66/13, 100/13), člana 35. stav 3. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09) i člana 25. Statuta Općine Zavidovići („Službeni glasnik Općine Zavidovići“, broj: 5/08 i 5/a/08), Općinsko vijeće Zavidovići na svojoj 20. sjednici održanoj 05.04.2018. godine, d o n i j e l o j e

O D L U K U

o sticanju vlasništva na nekretnini u k.o. Potkleče

Član 1.

Ovom Odlukom daje se saglasnost za sticanje vlasništva Općini Zavidovići kupovinom nekretnine označene sa:

- k.č. 39/9 zv. “Hrid”, pašnjak 3. klase pov. 510 upisana u P.L. 690 k.o. Potkleče posjed Muftić Suvade kći Hasana iz Sarajeva, Behdžeta Mutevelića 2A, sa dijelom 1/1, odnosno u zemljišno knjižni uložak broj: 607 k.o. Potkleče, a u svrhu proširenja postojećeg groblja zv “Flos”.

Član 2.

Sticanje nekretnine iz člana 1. ove Odluke izvršit će se na osnovu Ugovora o kupoprodaji uz naknadu za kupoprodajnu cijenu od 30,00 KM /m² odnosno za ukupnu površinu zemljišta iz člana 1. ove Odluke iznos od 15.300,00 KM.

Član 3.

Ovlašćuje se Općinski načelnik Općine Zavidovići da zaključi ugovor o kupoprodaji nekretnine opisane u članu 1. ove Odluke po pribavljenom mišljenju Općinskog pravobranilaštva Zavidovići.

Troškovi poreza na promet nepokretnosti i troškovi notarske obrade ugovora padaju na teret Općine Zavidovići.

Član 4.

Ova Odluka stupa na snagu osmog dana od dana objavljivanja u „Službenom glasniku Općine Zavidovići“.

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-31-727/18-AP-3
Datum: 05.04.2018. godine

Općinsko vijeće Zavidovići na svojoj 20. sjednici održanoj dana 05.04.2018. godine, na osnovu člana 14. stav 4. Zakona o eksproprijaciji („Službene novine Federacije BiH“, broj: 70/07, 36/10,25/12, 34/16) i člana 25. Statuta Općine Zavidovići („Službeni glasnik Općine Zavidovići“, broj: 5/08 i 5/a/08), po prijedlogu za utvrđivanje javnog interesa, donosi

O D L U K U

Utvrđuje se da je od javnog interesa izgradnja seoskog vodovoda „Mustajbašići - Nabujski potok“ na području MZ „Kovači“ podružnica Mustajbašići, te da se u tu svrhu može pristupiti i to:

- a) potpunoj eksproprijaciji, na dijelu nekretnine označene sa:
- k.č. 2868 /1 zv. „Klek“ šuma 3. klase pov. 1603780 m², šuma 2. klase pov. 1519361 m² i šuma 8. klase pov. 21863 m² upisana u P.L. 113 k.o. Mustajbašići kao DRSV Federacija BiH, Bosna i Hercegovina, Sarajevo, sa dijelom od 1/1.
- b) nepotpunoj eksproprijaciji – ustanovljenje prava služnosti prokopavanja kanala radi postavljanja i održavanja vodovodnih cijevi, na dijelovima nekretnina označenih sa:
- k.č. 2868 /1 zv. „Klek“ šuma 3. klase pov. 1.603.780 m², šuma 2. klase pov. 1.519.361 m² i šuma 8. klase pov. 21.863 m² upisana u P.L. 113 k.o. Mustajbašići kao DRSV Federacija BiH, Bosna i Hercegovina, Sarajevo, sa dijelom od 1/1.
 - k.č. 1925 zv. „Ograde“ kuća, zgrada pov. 62 m², dvorište pov. 500 m², voćnjak 3. klase pov. 1936 m² i voćnjak 4. klase pov. 1300 m² upisana u P.L. 1422 k.o. Mustajbašići u vlasništvu Vuković Salima sin Mustafe iz Kovača, Mustajbašići b.b. sa dijelom od 1/1.
 - k.č. 1926 zv. „Ograda“ kuća i zgrada pov. 66 m², dvorište pov. 500 m², voćnjak 3. klase pov. 1506 m² i voćnjak 4. klase pov. 902 m² i k.č. 1927 zv. „Ograda“ oranica/njiva 6. klase pov. 2512 m² upisane u P.L. 187 k.o. Mustajbašići u vlasništvu Hasić Hasana sin Ibrahima iz Mustajbašića broj 15 sa dijelom od 1/1.
 - k.č. 1930 zv. „Ograde“ kuća i zgrada pov. 69 m² i dvorište pov. 403 m² i k.č. 1944/2 zv. „Ograde“ oranica/njiva 5. klase pov. 225 m² upisana u P.L. 222 k.o. Mustajbašići u vlasništvu Hasić Izeta sin Rasima iz Kovača, Mustajbašići b.b. sa dijelom od 1/1.
 - k.č. 1955/4 zv. „Ometala“ oranica/njiva 5.klase pov. 505 m² i k.č. 1956 zv. „Ometala“ voćnjak 4.klase pov. 800 m² upisane u P.L. 788 k.o. Mustajbašići u suvlasništvu Pinjić Senade kći Ahmeta iz Kovača, Mustajbašići, mld. Pinjić Ilvana sin Čašifa iz Kovača, Mustajbašići, mld. Pinjić Vildana sin Čašifa iz Kovača, Mustajbašići i mld. Pinjić Vildane kći Čašifa iz Kovača, Mustajbašići sa dijelom od 1/4.
 - k.č. 2020/2 zv. „Bašča“ oranica/njiva 5.klase pov. 1125 m² upisana u P.L. 996 k.o. Mustajbašići u vlasništvu Hasić Džemala sin Bege iz Kovača, Mustajbašići 98 sa dijelom od 1/1.
 - k.č. 1954/1 zv. „Ometala“ kuća i zgrada pov. 40 m² i dvorište pov. 384 m², k.č. 1955/5 zv. „Ometala“ oranica/njiva 5. klase pov. 848 m² i k.č. 1955/7 zv. „Ometala“ oranica/njiva 5. klase pov. 110 m² upisane u P.L. 944 k.o. Mustajbašići u vlasništvu Pinjić Nusreta sin Himze iz Kovača, Mustajbašići sa dijelom od 1/1.

- k.č. 1955/1 zv. „Ometala“ oranica/njiva 5.klase pov. 1397 m2 upisana u P.L. 1015 k.o. Mustajbašići u vlasništvu Pinjić Šefika sin Himze iz Kovača, Mustajbašići sa dijelom od 1/1.
- k.č. 1955/3 zv. „Ometala“ oranica/njiva 5.klase pov. 220 m2 upisana u P.L. 945 k.o. Mustajbašići u suvlasništvu Pinjić Nusreta sin Himze iz Kovača, Mustajbašići sa dijelom od 1/4, Pinjić Himze sin Nurage iz Mustajbašića 8 sa dijelom od 2/4 i Pinjić rođ. Hodžić Raseme kći Sinana iz Kovača, Mustajbašići b.b. sa dijelom od 1/4.
- k.č. 1961 zv. „Ometala“ kuća i zgrada pov. 110 m2, oranica/njiva 5. klase pov. 1528 m2, k.č. 1960 zv. „Ometala“ oranica/njiva 5.klase pov. 959 m2, k.č. 1958 zv. „Ometala“ kuća i zgrada pov. 67 m2, dvorište pov. 500 m2 i voćnjak 3.klase pov. 57 m2, k.č. 1959/1 zv. „Ometala“ voćnjak 3.klase pov. 1897 m2 i k.č. 1959/2 zv. „Ometala“ oranica/njiva 5.klase pov. 1029 m2 upisane u P.L. 536 k.o. Mustajbašići u vlasništvu Pinjić Hašima sin Đulage iz Mustajbašića 7, sa dijelom od 1/1.
- k.č. 1964 zv. „Ometale“ oranica/njiva 5.klase pov. 649 m2 upisana u P.L. 930 k.o. Mustajbašići u vlasništvu Pinjić Suada sin Izeta iz Kovača, Mustajbašići sa dijelom od 1/1.
- k.č. 1963 zv. „Ometale“ oranica/njiva 5.klase pov. 1478 m2 upisana u P.L. 929 k.o. Mustajbašići u vlasništvu Pinjić Šemsije kći Izeta iz Kovača, Mustajbašići sa dijelom od 1/1.
- k.č. 1969 zv. „Bijede“ kuća i zgrada pov. 36 m2, dvorište pov. 500 m2 i oranica/njiva 5.klase pov. 273 m2 upisana u P.L. 567 k.o. Mustajbašići u vlasništvu Srganović Huse sin Mehmeda, Mustajbašići 19, sa dijelom od 1/1.
- k.č. 1980 zv. „Nabojne“ kuća i zgrada pov. 74 m2, dvorište pov. 500 m2 i livada 4.klase pov. 253 m2 i k.č. 1983 zv. „Nabojne“ pašnjak 3. klase pov. 967 m2 upisane u P.L. 586 k.o. Mustajbašići u vlasništvu Šadičkić Ismeta sin Ađula, iz Mustajbašića bb, sa dijelom od 1/1.
- k.č. 1733/1 zv. „Ometale“ oranica/njiva 6.klase pov. 1543 m2 upisana u P.L. 851 k.o. Mustajbašići u vlasništvu Hasić Amira sin Jusufa iz Kovača, Mustajbašići sa dijelom od 1/1.
- k.č. 1733/2 zv. „Ometale“ oranica/njiva 5. klase pov. 1465 m2 upisana u P.L. 225 k.o. Mustajbašići u vlasništvu Hasić Sabita sin Jusufa iz Mustajbašića, sa dijelom od 1/1.
- k.č. 1734 zv. „Lug“ oranica/njiva 6.klase pov. 2078 m2, oranica/njiva 5.klase pov. 810 m2 upisana u P.L. 643 k.o. Mustajbašići u vlasništvu Vuković Raseme kći Pašage iz Kovača, Mustajbašići b.b. sa dijelom od 1/1.
- k.č. 1736 zv. „Lug“ oranica/njiva 5. klase pov. 3228 m2 i k.č. 1732 zv. „Lug ometale“ livada 4. klase pov. 4551 m2 upisane u P.L. 231 k.o. Mustajbašići u vlasništvu Hasić Smaje sin Ibrahima iz Kovača, Mustajbašići b.b. sa dijelom od 1/1.
- k.č. 1737/1 zv. „Bare“ livada 4. klase pov. 3052 m2 i k.č. 1737/2 zv. „Bare“ livada 4. klase pov. 998 m2 upisane u P.L. 1691 k.o. Mustajbašići u vlasništvu Marušić Mersihe kći Kasima iz Kovača, Stavci, sa dijelom od 1/1.
- k.č. 1730 zv. „Ometale“ kuća i zgrada pov. 51 m2 i dvorište pov. 270 m2 i k.č. 1731 zv. „Ometale“ kuća i zgrada pov. 22 m2 i oranica/njiva 5. klase pov. 1031 m2 upisane u P.L. 193 k.o. Mustajbašići u vlasništvu Hasić Hasije kći Rašida, Mustajbašići 3, sa dijelom od 1/1.
- k.č. 1729/2 zv. „Ometale“ kuća i zgrada pov. 56 m2, dvorište pov. 500 m2, oranica/njiva 5. klase pov. 850 m2 i oranica/njiva 6. klase pov. 174 m2 i k.č. 1729/3 zv. „Ometale“ prilazni put pov. 350 m2 upisane u P.L. 1507 k.o. Mustajbašići u vlasništvu Hasić Ibri sin Ramiza iz Kovača, Mustajbašići, sa dijelom od 1/1.
- k.č. 1728 zv. „Ometala“ kuća i zgrada pov. 64 m2, dvorište pov. 500 m2 i pašnjak 3. klase pov. 1040 m2 upisana u P.L. 1391 k.o. Mustajbašići u vlasništvu Hasić Jasmina sin Ismeta iz Kovača, Mustajbašići b.b. sa dijelom od 1/1.
- k.č. 1988 zv. „Nabojne“ oranica/njiva 7. klase pov. 2275 m2 i oranica/njiva 6. klase pov. 1683 m2 upisana u P.L. 585 k.o. Mustajbašići u suvlasništvu Fejzić Mubine kći Hamde iz Zavidovića, Majdan sa dijelom od 2/12, iz Kovača, Hasančić r. Šadičkić Zahide kći Hamde iz Hajderovića, Livade sa dijelom od 2/12, Hasančić Emira sin Rasima iz Hajderovića, Livade b.b., sa dijelom od 1/12, Mehić r. Hasančić Amele kći Rasima iz Hajderovića, Livade sa dijelom od 1/12, Sinanović r. Šadičkić Šemsade kći Hamde iz Gostovića, Sinanović, sa

dijelom od 2/12, Šadičkić Venesine kći Hamde, Mustajbašići, sa dijelom od 2/12 i mlđb. Šadičkić Samire kći Hamde, Mustajbašići, sa dijelom od 2/12.

- k.č. 1989/5 zv. „Nabojne-put“ prilazni put pov. 64 m² upisana u P.L. 733 k.o. Mustajbašići u suvlasništvu Šadičkić Ađula sin Muje, Mustajbašići 7 i Šadičkić Ferida sin Muje, Mustajbašići, sa dijelom od 1/2.

II

Utvrđuje se da je Općina Zavidovići korisnik potpune - nepotpune eksproprijacije zemljišta za izgradnju seoskog vodovoda „Mustajbašići - Nabujski potok“ na području MZ „Kovači“ podružnica Mustajbašići.

O b r a z l o ž e n j e

Pravni osnov:

Pravni osnov za donošenje ove Odluke je član 14. stav 4. Zakona o eksproprijaciji koji glasi: „Odluku o utvrđivanju javnog interesa za izgradnju objekata ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.“

Razlozi donošenja:

Općinsko pravobranilaštvo Zavidovići u ime Općine Zavidovići kao korisnika eksproprijacije, podnijelo je Općinskom vijeću Zavidovići, prijedlog za utvrđivanje javnog interesa za izgradnju seoskog vodovoda „Mustajbašići - Nabujski potok“ na lokalitetu Mjesne zajednice „Kovači“ podružnica Mustajbašići, te da se u tu svrhu može pristupiti potpunoj eksproprijaciji odnosno nepotpunoj eksproprijaciji - ustanovljenju prava služnosti prokopavanja kanala radi postavljanja i održavanja vodovodnih cijevi, na dijelovima nekretnina bliže označenih u članu I ove Odluke.

Uz prijedlog za utvrđivanje javnog interesa korisnik eksproprijacije je priložio: projekat vodovoda, elaborat, urbanističku saglasnost, geodetsko - katastarski plan, procjenu vrijednosti i izvode iz posjedovnih listova.

Razmatrajući prijedlog i priložene dokaze u spisu, a imajući u vidu činjenicu da se radi o objektu koji je od javnog interesa za mještane MZ „Kovači“ i općinu Zavidovići, kao i činjenicu da su ispunjeni zakonski uslovi za utvrđivanje javnog interesa za izgradnju istog, ocijenjeno je da je prijedlog za utvrđivanje javnog interesa opravdan.

Pouka o pravnom lijeku:

Protiv ove Odluke može se pokrenuti upravni spor podnošenjem tužbe kod Kantonalnog suda u Zenici u roku od 30 dana od dana dostavljanja Odluke. Tužba se podnosi neposredno sudu.

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-750/18-AP-4

Datum: 28.3.2018. godine

Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj 7/14 – prečišćeni tekst, 8/14 i 9/14), Općinsko vijeće Zavidovići na 19. (tematskoj) sjednici od 28.03.2018. godine, razmatralo je Stanje u boračko-invalidskoj zaštiti i socijalnoj ugroženosti boračke populacije na području općine Zavidovići, pa nakon rasprave donijelo

ZAKLJUČAK

1. Općinsko vijeće Zavidovići prihvata Informaciju o stanju u oblasti branilačko-invalidske zaštite sa zaključnim razmatranjima:

- a) Putem Službe BIZ-a koristiti mogućnosti aktivnog učešća u procedurama predlaganja izmjena i dopuna propisa iz oblasti branilačko-invalidske zaštite vodeći brigu o stvarnim životnim potrebama i zaštiti dostojanstva branilačke populacije;
- b) Nastaviti sa planiranjem učešća općine u finansiranju dijela dopunskih prava branilaca i članova njihovih porodica, sa ciljem njegovog povećanog finansijskog učešća;
- c) Kod planiranje budžeta za 2018. godinu, a sa pretpostavkom preseljenja boračkih udruženja u novi objekat, imati u vidu opredjeljivanje iznosa transfera za rad i finansiranja projekata udruženjima/organizacijama;
- d) Nastaviti sa aktivnostima koje idu u prilog očuvanju tekovina OOR-a;
- e) Dodjeljivanje mandata Komisiji za pitanje branilaca i tekovina OOR-a, kao nosioca aktivnosti za organizovanje i obilježavanje značajnih datuma općine Zavidovići;
- f) Ostvariti značajniju prisutnost na terenu predstavnika Službe, Komisije OV-a za pitanje branilaca i branilačkih organizacija radi direktnog kontakta sa branilačkom populacijom i informisanja istih o pravima i mogućnostima ostvarenja tih prava.

2. Zadužuje se Općinski načelnik sa nadležnim službama da prilikom donošenja Budžeta općine Zavidovići za 2019. godinu, transfere koji su planirani u Budžetu općine Zavidovići za 2018. godinu, namijenjena za boračka udruženja/organizacije, i to:

- „Transfer za troškove djelatnosti i finansiranje projekata za JOB „Unija veterana“,
- „Transfer za troškove djelatnosti i finansiranje projekata za Organizaciju porodica šehida i poginulih boraca“,
- „Transfer za troškove djelatnosti i finansiranje projekata za Udruženje RVI Zavidovići '92.“,
- „Transfer za troškove djelatnosti i finansiranje projekata za UG „Zlatni ljiljan“,
- „Transfer za troškove djelatnosti i finansiranje projekata za Udruženje branilaca „92.-95.“ općine Zavidovići“,
- „Transfer za troškove djelatnosti i finansiranje projekata za Savez boraca općine Zavidovići“,
- „Transfer za troškove djelatnosti i finansiranje projekata za Udruženje nezaposlenih demobilisanih boraca općine Zavidovići“,

preimenuju i isti dobiju novi naziv transfera, kako slijedi:

- „Transfer za rad i redovnu djelatnost UG JOB „Unija veterana“,

- „Transfer za rad i redovnu djelatnost Organizaciji porodica šehida i poginulih boraca“,
- „Transfer za rad i redovnu djelatnost Udruženju RVI Zavidovići '92.“,
- „Transfer za rad i redovnu djelatnost UG „Zlatni ljiljan“,
- „Transfer za rad i redovnu djelatnost Udruženja branilaca „92.-95.“ općine Zavidovići“,
- „Transfer za rad i redovnu djelatnost Savez boraca općine Zavidovići“,
- „Transfer za rad i redovnu djelatnost Udruženja nezaposlenih demobilisanih boraca općine Zavidovići“.

3. Zadužuje se Općinski načelnik sa nadležnim službama da prilikom donošenja Budžeta općine Zavidovići za 2019. godinu, planira sredstva u visini 3% od Budžetu općine Zavidovići za oblast BIZ-a u skladu sa preporukom Skupštine ZDK da kanton i općine kantona izdvajaju 3% od planiranih budžeta (sredstva za: pomoć boračkoj populaciji, očuvanje tekovina Odbrambeno-oslobodilačkog rata i za rad i redovnu djelatnost udruženja/organizacija).

4. Zadužuje se Općinski načelnik sa nadležnim službama da prilikom donošenja Budžeta općine Zavidovići za 2019. godinu, za Udruženje oboljelih od PTSP-a planira „Transfer za rad i redovnu djelatnost Udruženju oboljelih od PTSP-a“.

5. Zadužuje se nadležna služba da vodi strogu kontrolu utroška sredstava iz Budžeta općine Zavidovići dodijeljenih boračkim udruženjima/organizacijama.

6. Općinsko vijeće Zavidovići sugeriše boračkim udruženjima da nastave aktivnosti na ujedinjenju četiri boračka udruženja/organizacije demobilisanih boraca (UG JOB „Unija veterana“, Udruženje branilaca „92.-95.“ općine Zavidovići, Udruženje savez boraca općine Zavidovići i Udruženje nezaposlenih demobilisanih boraca općine Zavidovići).

7. Zadužuje se Općinski načelnik sa nadležnom službom da organizuje sastanak sa četiri boračka udruženja/organizacije demobilisanih boraca i da razmotre mogućnosti i mehanizme udruživanja u jedno udruženje.

8. Zadužuje se Općinski načelnik sa nadležnom službom da HITNO aplicira prema višim nivoima vlasti da se „Dan oslobođenja Vozuće“ uvrsti u značajne datume i događaje Odbrambeno-oslobodilačkog rata na nivou Federacije.

9. Zadužuje se Općinski načelnik da organizuje sastanak sa predstavnicima privrednika radi njihovog angažmana u realizaciji Javnog poziva za zapošljavanje pripadnika boračke populacije.

10. Zaključak stupa na snagu danom donošenja, a o njegovoj realizaciji starat će se Kabinet općinskog načelnika, Služba za upravu pitanja boraca, raseljenih lica i izbjeglica i Služba za upravu ekonomskih poslova i poduzetništva.

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-801/18-AP-2
Datum: 05.04.2018. godine

Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst 8/14 i 9/14), Općinsko vijeće Zavidovići na 20. sjednici od 05.04.2018. godine, razmatralo je Izvještaj Općinskog načelnika o radu općinskih službi za upravu i drugih službi za 2017. godinu, pa nakon rasprave donijelo

ZAKLJUČAK

1. Općinsko vijeće Zavidovići usvaja Izvještaj Općinskog načelnika o radu općinskih službi za upravu i drugih službi za 2017. godinu.

2. Zaključak stupa na snagu danom donošenja.

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-756/18-AP-3

Datum: 05.04.2018. godine

Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst 8/14 i 9/14), Općinsko vijeće Zavidovići na 20. sjednici od 05.04.2018. godine, razmatralo je Izvještaj o radu Općinskog pravobranilaštva Zavidovići za 2017. godinu, pa nakon rasprave donijelo

ZAKLJUČAK

1. Općinsko vijeće Zavidovići usvaja Izvještaj o radu Općinskog pravobranilaštva Zavidovići za 2017. godinu.

2. Općinsko vijeće Zavidovići zadužuje Općinskog pravobranioca da pruži svu pravnu i tehničku pomoć predsjednicima Mjesne zajednice „Pašin Konak“ i Mjesne zajednice „Dubravica“ u rješavanju spora sa Mjesnom zajednicom „Vinište“ Općina Žepče u predmetu koje Općinsko pravobranilaštvo Zavidovići vodi pod brojem P-5/17.

3. Općinsko vijeće Zavidovići zadužuje Općinskog načelnika da zaključkom doznači sredstva Mjesnoj zajednici „Pašin Konak“, koja bi eventualno bila potrebna u ovom predmetu (P-5/17).

4. Zaključak stupa na snagu danom donošenja.

**PREDSJEDAVAJUĆI
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-755/18-AP-5
Datum: 05.04.2018. godine

Na osnovu člana 2. Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije Bosne i Hercegovine“, broj: 32/17) i člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 i 9/14), Općinsko vijeće Zavidovići na 20. sjednici od 05.04.2018. godine, razmatralo je Izvještaj o realizaciji Akcionog plana realizacije Strategije integriranog razvoja općine Zavidovići za period 2017 – 2026. za 2017. godinu sa Planom kapitalnih investicija Općine Zavidovići za period 2017 – 2019. godina, pa nakon rasprave donijelo

ZAKLJUČAK

1. Općinsko vijeće Zavidovići prihvata Izvještaj o realizaciji Akcionog plana realizacije Strategije integriranog razvoja općine Zavidovići za period 2017 – 2026. za 2017. godinu sa Planom kapitalnih investicija Općine Zavidovići za period 2017 – 2019. godina, broj: 02-05-2246/17 od 13.03.2018. godine.

2. Zaključak stupa na snagu danom donošenja, a o njegovoj realizaciji starat će se Općinski načelnik sa nadležnim službama.

**PREDSJEDAVAJUĆI
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-38-758/18-AP-4
Datum: 05.04.2018. godine

Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 i 9/14), Općinsko vijeće Zavidovići na 20. sjednici od 05.04.2018. godine, razmatralo je Informaciju o Planu upisa učenika u prvi razred srednjih škola na području općine Zavidovići za školsku 2018/2019. godinu, pa nakon rasprave donijelo

ZAKLJUČAK

1. Općinsko vijeće Zavidovići usvaja Informaciju o Planu upisa učenika u prvi razred srednjih škola na području općine Zavidovići za školsku 2018/2019. godinu.

2. Zaključak stupa na snagu danom donošenja, a o njegovoj realizaciji starat će se Služba za upravu društvenih djelatnosti i opću upravu.

**PREDSJEDAVAJUĆI
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-763/18-AP-4
Datum: 05.04.2018. godine

Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 i 9/14), Općinsko vijeće Zavidovići na 20. sjednici od 05.04.2018. godine, razmatralo je Informaciju o realizaciji projekta sanacije postojeće deponije komunalnog otpada općine Zavidovići, pa nakon rasprave donijelo

ZAKLJUČAK

1. Općinsko vijeće Zavidovići usvaja Informaciju o realizaciji projekta sanacije postojeće deponije komunalnog otpada općine Zavidovići.

2. Zaključak stupa na snagu danom donošenja, a o njegovoj realizaciji starat će se Služba za upravu poljoprivrede, vodoprivrede i komunalnih poslova.

**PREDSJEDAVAJUĆI
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-819/18-AP-6
Datum: 05.04.2018. godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 5. stav 4. alineja 5. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/2015 i 3/2017) i člana 25. Statuta Općine Zavidovići („Službeni glasnik Općine Zavidovići“, broj: 5/2008 i 5/a/2008), Općinsko vijeće Zavidovići na svojoj 20. sjednici održanoj dana 05.04.2018. godine, donosi:

ZAKLJUČAK

o davanju saglasnosti na rang-listu najboljih kandidata za pozicije predsjednika i članova u Upravnom odboru Javne ustanove „Centar za kulturu“ Zavidovići i člana iz reda zaposlenih u Upravnom odboru Javne ustanove „Javna biblioteka“ Zavidovići

I

Općinsko vijeće Zavidovići daje saglasnost na rang-liste najboljih kandidata za upražnjene pozicije predsjednika i članova u Upravnom odboru Javne ustanove „Centar za kulturu“ Zavidovići i člana iz reda zaposlenih u Upravnom odboru Javne ustanove „Javna biblioteka“ Zavidovići, utvrđene od strane Komisije za izbor na upražnjene pozicije predsjednika i članova u Upravnom odboru Javne ustanove „Centar za kulturu“ Zavidovići i člana u Upravnom odboru Javne ustanove „Javna biblioteka“ Zavidovići, kako slijedi za:

- kandidata Tursić Amira za predsjednika Upravnog odbora JU „Centar za kulturu“ Zavidovići iz reda osnivača,
- kandidata Muhić Alena za člana Upravnog odbora JU „Centar za kulturu“ Zavidovići iz reda osnivača i
- kandidata Pavlović Ružicu za člana Upravnog odbora JU „Centar za kulturu“ Zavidovići iz reda zaposlenih.
- kandidata Osmić Fuhada za člana Upravnog odbora JU „Javna biblioteka“ Zavidovići iz reda zaposlenih.

II

Općinsko vijeće Zavidovići zadužuje Općinskog načelnika Zavidovići da donese rješenje o konačnom imenovanju predsjednika i članova u Upravnom odboru Javne ustanove „Centar za kulturu“ Zavidovići i člana u Upravnom odboru Javne ustanove „Javna biblioteka“ Zavidovići, u skladu sa rang-listom najboljih kandidata koji su prošli otvorenu konkurenciju za izbor na upražnjene pozicije u Upravnom odboru Javne ustanove „Centar za kulturu“ Zavidovići i u Upravnom odboru Javne ustanove „Javna biblioteka“ Zavidovići, a na osnovu člana 3. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/2015 i 3/2017) i člana 25. stav 3. Uredbe sa zakonskom snagom o ustanovama („Službeni list RBiH“ broj 6/92, 8/93 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine.

III

Ovaj zaključak stupa na snagu danom donošenja i objavit će se u „Službenom glasniku Općine Zavidovići“.

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-665/18-AP-6

Datum: 05.04.2018. godine

Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćen tekst, 8/14 i 9/14), Općinsko vijeće Zavidovići na 20. sjednici od 05.04.2018. godine, razmatralo je Inicijativu Kluba vijećnika Socijaldemokratske partije za izradu plana i utvrđivanje javnog interesa identifikacije, lociranja, izgradnje oglasnih i informativnih mjesta na području grada i cijelom prostoru općine, pa nakon rasprave donijelo

ZAKLJUČAK

1. Općinsko vijeće Zavidovići prihvata Inicijativu Kluba vijećnika Socijaldemokratske partije za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru općine.

2. Zadužuju se Općinski načelnik sa nadležnim Službama da izradi i dostavi Općinskom vijeću na razmatranje i odlučivanje Plan identifikacije, lociranja i izgradnje oglasnih i informativnih mjesta na području grada i cijelom prostoru općine.

3. Zaključak stupa na snagu danom donošenja, a o njegovoj realizaciji starat će se Kabinet općinskog načelnika, Služba za upravu poljoprivrede, vodoprivrede i komunalnih poslova, Služba za upravu društvenih djelatnosti i opću upravu i Služba za upravu geodetskih, imovinsko-pravnih poslova i urbanizma.

**PREDSJEDAVAJUĆI
OPĆINSKOG VIJEĆA**

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-539/18-AP-6
Datum: 05.04.2018. godine

Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 i 9/14), Općinsko vijeće Zavidovići na 20. sjednici od 05.04.2018. godine, razmatralo je Inicijativu Kluba vijećnika Socijaldemokratske partije za pokretanje aktivnosti projektovanja i nabavke komunikacijskog rješenja obazbijedenja i puštanja u rad Wi-fi Hot Spot konekcije u užem gradskom jezgru, pa nakon rasprave donijelo

ZAKLJUČAK

1. Općinsko vijeće Zavidovići odbija Inicijativu Kluba vijećnika Socijaldemokratske partije za pokretanje aktivnosti projektovanja i nabavke komunikacijskog rješenja obazbijedenja i puštanja u rad Wi-fi Hot Spot konekcije u užem gradskom jezgru.

2. Zaključak stupa na snagu danom donošenja.

**PREDSJEDAVAJUĆI
OPĆINSKOG VIJEĆA**

(M.P.)

Redžo Seferović, s.r.

II – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK



Broj: 02-05-645/18

Dana: 09.03 2018. godine.

Na osnovu člana 29. Uredbe sa zakonskom snagom o ustanovama („Službeni list RBiH, broj: 6/92 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine, člana 41. Stav 2. Zakona o predškolskom odgoju i obrazovanju („Službene novine Zeničko-dobojskog kantona“, broj: 7/2010), člana 39. Statuta Općine Zavidovići („Službeni glasnik Općine Zavidovići“, broj: 5/08 i 5a/08), a u skladu sa članom 54. i 55. Pravila Javne ustanove „Gradski dječiji vrtić“ Zavidovići, Općinski načelnik Zavidovići donosi:

R J E Š E N J E

o davanju saglasnosti na imenovanje vršioca dužnosti direktora Javne ustanove „Gradski dječiji vrtić“ Zavidovići

I

Daje se saglasnost Upravnom odboru Javne ustanove „Gradski dječiji vrtić“ Zavidovići za imenovanje BEČIĆ SABAHIJE, kći Muharema, Nastavnik predškolskog vaspitanja za vršioca dužnosti direktora Javne ustanove „Gradski dječiji vrtić“ Zavidovići.

II

Rješenje stupa na snagu danom donošenja, a objavit će se u „Službenom glasniku Općine Zavidovići“.

O b r a z l o ž e n j e

Javna ustanova „Gradski dječiji vrtić“ Zavidovići podnijela je dana 05.03.2018. godine zahtjev za davanje saglasnosti za imenovanje vršioca dužnosti direktora Javne ustanove "Gradski dječiji vrtić“ Zavidovići na period od 6 mjeseci od dana davanja saglasnosti Osnivača na imenovanje vršioca dužnosti direktora Javne ustanove „Gradski dječiji vrtić“ Zavidovići.

Uz zahtjev je priložena Odluka Upravnog odbora navedene Javne ustanove o imenovanju Bečić Sabahije za vršioca dužnosti direktora, broj: 80/2018 od 13.02.2018. godine.

Upravni odbor Javne ustanove „Gradski dječiji vrtić“ Zavidovići, zbog isteka mandata direktoru, raspisao je konkurs za izbor i imenovanje direktora Javne ustanove „Gradski dječiji vrtić“, koji je objavljen dana 18.01.2018. godine u dnevnom listu „Oslobođenje“, ali na konkursu nije bilo prijavljenih kandidata.

U skladu sa navedenim Upravni odbor Javne ustanove „Gradski dječiji vrtić“ Zavidovići donio je Odluku o imenovanju Bečić Sabahije, kći Muharema iz Zavidovića (Dolina b.b.) po zanimanju Nastavnik predškolskog vaspitanja, za vršioca dužnosti direktora Javne ustanove „Gradski dječiji vrtić“ Zavidovići na period od 6 mjeseci od dana davanja saglasnosti Općinskog načelnika na Odluku Upravnog odbora Javne ustanove „Gradski dječiji vrtić“ o imenovanju vršioca dužnosti direktora u navedenoj Ustanovi. Cijeneći sve navode iz dopisa, a u skladu sa odredbama Zakona o predškolskom odgoju i obrazovanju, Općinski načelnik Zavidovići smatra

-288-

da imenovani kandidat za vršioca dužnosti direktora Javne ustanove "Gradski dječiji vrtić" Zavidovići ispunjava uslove iz Zakona o predškolskom odgoju i obrazovanju i Pravila Javne ustanove "Gradski dječiji vrtić" Zavidovići, te da je postupak proveden u skladu sa Zakonom o predškolskom odgoju i obrazovanju i Pravilima Javne ustanove "Gradski dječiji vrtić" Zavidovići.

Koristeći se ovlaštenjima iz Uredbe sa zakonskom snagom o ustanovama, Statuta Općine Zavidovići i Pravila Javne ustanove "Gradski dječiji vrtić" Zavidovići, Općinski načelnik Općine Zavidovići donio je rješenje kao u dispozitivu rješenja.

Dostavljeno:

1. Upravni odbor Javne ustanove
"Gradski dječiji vrtić" Zavidovići,
2. Služba za upravu društvenih
djelatnosti i opću upravu,
3. "Službeni glasnik Općine Zavidovići",
4. U spis.

OPĆINSKI NAČELNIK

(M.P.)

mr. sci. Hašim Mujanović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK



Broj: 02-05-1124/18

Dana: 12.04.2018. godine

Na osnovu člana 25. stav 3. Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine, člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 39. Statuta Općine Zavidovići („Službeni glasnik Općine Zavidovići“, broj: 5/08 i 5a/08), a u skladu sa članom 3. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/2015 i 3/2017), Općinski načelnik Zavidovići, donosi:

R J E Š E N J E

o imenovanju Upravnog odbora Javne ustanove “Centar za kulturu“ Zavidovići

I

Za predsjednika i članove u Upravnom odboru Javne ustanove „Centar za kulturu“ Zavidovići, imenuju se :

1. **TURSIĆ AMIR**, dipl. pravnik - predsjednik, iz reda osnivača,
2. **MUHIĆ ALEN**, dipl. ekonomista - član, iz reda osnivača,
3. **PAVLOVIĆ RUŽICA**, SSS - Gimnazija - član, iz reda zaposlenih.

II

Predsjednik i članovi Upravnog odbora Javne ustanove „Centar za kulturu“ Zavidovići imenuje se na period od 4 (četiri) godine od dana imenovanja.

III

Predsjedniku i članovima Upravnog odbora Javne ustanove „Centar za kulturu“ Zavidovići pripada pravo na naknadu u skladu sa članom 7. Odluke o standardima i kriterijima za imenovanje na upražnjene pozicije u reguliranim tijelima općine Zavidovići („Službeni glasnik Općine Zavidovići“, broj: 6/14, 1/15 i 3/17).

IV

Ovo rješenje stupa na snagu danom donošenja, a objavit će se u „Službenom glasniku Općine Zavidovići.

O b r a z l o ž e n j e

U skladu sa članom 4. Odluke o standardima i kriterijima za imenovanje na upražnjene pozicije u reguliranim tijelima općine Zavidovići („Službeni glasnik Općine Zavidovići“ broj: 6/14, 1/15 i 3/17) dana 22.05.2017. godine Općinski načelnik Zavidovići donio je Odluku o oglašavanju upražnjenih pozicija predsjednika i članova u Upravnom odboru Javne ustanove „Centar za kulturu“ Zavidovići i upražnjenu poziciju člana u Upravnom odboru Javne ustanove „Javna biblioteka“ Zavidovići, broj: 02-05-2079/17.

U članu 2. navedene Odluke utvrđena je potreba raspisivanja oglasa za popunu upražnjenih pozicija predsjednika i članova u Upravnom odboru Javne ustanove „Centar za kulturu” Zavidovići i upražnjenu poziciju člana u Upravnom odboru Javne ustanove „Javna biblioteka” Zavidovići iz reda zaposlenih, a za provođenje iste, u skladu sa članom 4. zadužena je Služba za upravu društvenih djelatnosti i opću upravu i Komisija, koju će na prijedlog Općinskog načelnika imenovati Općinsko vijeće Zavidovići.

Dana 29.11.2017. godine Općinsko vijeće Zavidovići donijelo je rješenje o imenovanju Komisije za izbor na upražnjene pozicije predsjednika i članova u Upravnom odboru Javne ustanove „Centar za kulturu” Zavidovići i člana u Upravnom odboru Javne ustanove „Javna biblioteka” Zavidovići, broj: 01-05-4018/17-AP-5.

Javni oglas za izbor i imenovanje predsjednika i članova u Upravnom odboru Javne ustanove „Centar za kulturu” Zavidovići i člana iz reda zaposlenih u Upravnom odboru Javne ustanove „Javna biblioteka” Zavidovići objavljen je dana 20.12.2017. godine u dnevnom listu „Oslobođenje” i dana 22.12.2017. godine u „Službenim novinama Federacije Bosne i Hercegovine”, a rok za dostavljanje prijave bio je 15 dana od dana posljednjeg objavljivanja.

Komisija je u skladu sa tačkom III Rješenja izvršila pregled prijave kandidata, sastavila listu sa užim izborom najboljih kandidata, provela intervju sa kandidatima koji su ušli u užu izbor, dostavila kandidatima potrebne obrasce i izjave, sastavila preporuku rang-liste najboljih kandidata za Općinsko vijeće, vršila sve ostale poslove u skladu sa Zakonom, te izvještaj o svome radu dostavila Kabinetu Općinskog načelnika radi prosljeđivanja dokumentacije Općinskom vijeću.

Na osnovu dostavljenog Izvještaja o radu Komisije sa popratnom dokumentacijom, u ime Općinskog načelnika, nadležna općinska Služba pripremila je prijedlog Zaključka o davanju saglasnosti na rang-listu najboljih kandidata za pozicije predsjednika i članova u Upravnom odboru Javne ustanove “Centar za kulturu” Zavidovići i poziciju člana u Upravnom odboru Javne ustanove “Javna biblioteka” Zavidovići, koji je Općinsko vijeće Zavidovići usvojilo na svojoj 20. sjednici održanoj 05.04.2018. godine.

Uvidom u kompletan spis, pribavljenu dokumentaciju, provedenu proceduru i dokumentovan rad Komisije, na osnovu člana 25. stav 3. Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine, člana 3. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/2015 i 3/2017), a u skladu sa tačkom II Zaključka Općinskog vijeća Zavidovići o davanju saglasnosti na rang-listu najboljih kandidata za pozicije predsjednika i članova u Upravnom odboru Javne ustanove „Centar za kulturu” Zavidovići i poziciju člana iz reda zaposlenih u Upravnom odboru Javne ustanove „Javna biblioteka” Zavidovići broj: 01-05-819/18-AP-6 od 05.04.2018. godine, doneseno je rješenje kao u dispozitivu.

Dostavljeno:

-Imenovanim od 1-3,

-JU “Centar za kulturu”, Zavidovići,

-Službeni glasnik općine Zavidovići,

-U spis.

OPĆINSKI NAČELNIK

(M.P.)

mr.sci. Hašim Mujanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK



Broj: 02-05-1123/18

Dana: 12.04.2018. godine

Na osnovu člana 25. stav 3. Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine, člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 39. Statuta Općine Zavidovići („Službeni glasnik Općine Zavidovići“, broj: 5/08 i 5a/08), a u skladu sa članom 3. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/2015 i 3/2017), Općinski načelnik Zavidovići, donosi:

R J E Š E N J E

imenovanju člana Upravnog odbora Javne ustanove “Javna biblioteka“ Zavidovići iz reda zaposlenih

I

Osmić Fuhad, Elektrotehničar energetike iz Zavidovića imenuje se za člana Upravnog odbora Javne ustanove “Javna biblioteka” Zavidovići iz reda zaposlenih.

II

Član Upravnog odbora Javne ustanove “Javna biblioteka“ Zavidovići imenuje se na period od dana imenovanja do 12.03.2019.godine.

III

Predsjedniku i članovima Upravnog odbora Javne ustanove „Javna biblioteka“ Zavidovići pripada pravo na naknadu u skladu sa članom 7. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/14, 1/15 i 3/17).

IV

Ovo rješenje stupa na snagu danom donošenja, a objavit će se u “Službenom glasniku Općine Zavidovići”.

O b r a z l o ž e n j e

U skladu sa članom 4. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/14, 1/15 i 3/17) dana 22.05.2017. godine Općinski načelnik Zavidovići donio je Odluku o oglašavanju upražnjenih pozicija predsjednika i članova u Upravnom odboru Javne ustanove „Centar za kulturu“ Zavidovići i upražnjenu poziciju člana u Upravnom odboru Javne ustanove „Javna biblioteka“ Zavidovići, broj: 02-05-2079/17.

U članu 2. navedene Odluke utvrđena je potreba raspisivanja oglasa za popunu upražnjenih pozicija predsjednika i članova u Upravnom odboru Javne ustanove „Centar za kulturu“ Zavidovići i upražnjenu poziciju člana u Upravnom odboru Javne ustanove „Javna

biblioteka” Zavidovići iz reda zaposlenih, a za provođenje iste, u skladu sa članom 4. zadužena je Služba za upravu društvenih djelatnosti i opću upravu i Komisija, koju će na prijedlog Općinskog načelnika imenovati Općinsko vijeće Zavidovići.

Dana 29.11.2017. godine Općinsko vijeće Zavidovići donijelo je rješenje o imenovanju Komisije za izbor na upražnjene pozicije predsjednika i članova u Upravnom odboru Javne ustanove „Centar za kulturu” Zavidovići i člana u Upravnom odboru Javne ustanove „Javna biblioteka” Zavidovići, broj: 01-05-4018/17-AP-5.

Javni oglas za izbor i imenovanje predsjednika i članova u Upravnom odboru Javne ustanove „Centar za kulturu” Zavidovići i člana iz reda zaposlenih u Upravnom odboru Javne ustanove „Javna biblioteka” Zavidovići objavljen je dana 20.12.2017. godine u dnevnom listu „Oslobođenje” i dana 22.12.2017. godine u „Službenim novinama Federacije Bosne i Hercegovine”, a rok za dostavljanje prijave bio je 15 dana od dana posljednjeg objavljivanja.

Komisija je u skladu sa tačkom III Rješenja izvršila pregled prijave kandidata, sastavila listu sa uži izborom najboljih kandidata, provela intervju sa kandidatima koji su ušli u uži izbor, dostavila kandidatima potrebne obrasce i izjave, sastavila preporuku rang-liste najboljih kandidata za Općinsko vijeće, vršila sve ostale poslove u skladu sa Zakonom, te izvještaj o svome radu dostavila Kabinetu Općinskog načelnika radi prosljeđivanja dokumentacije Općinskom vijeću.

Na osnovu dostavljenog Izvještaja o radu Komisije sa popratnom dokumentacijom, u ime Općinskog načelnika, nadležna općinska Služba pripremila je prijedlog Zaključka o davanju saglasnosti na rang-listu najboljih kandidata za pozicije predsjednika i članova u Upravnom odboru Javne ustanove „Centar za kulturu” Zavidovići i poziciju člana u Upravnom odboru Javne ustanove „Javna biblioteka” Zavidovići, koji je Općinsko vijeće Zavidovići usvojilo na svojoj 20. sjednici održanoj 05.04.2018. godine.

Uvidom u kompletan spis, pribavljenu dokumentaciju, provedenu proceduru i dokumentovan rad Komisije, na osnovu člana 25. stav 3. Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine, člana 3. Odluke o standardima i kriterijima za imenovanje na upražnjene pozicije u reguliranim tijelima Općine Zavidovići („Službeni glasnik Općine Zavidovići“, broj: 6/2014, 1/2015 i 3/2017), a u skladu sa tačkom II Zaključka Općinskog vijeća Zavidovići o davanju saglasnosti na rang-listu najboljih kandidata za pozicije predsjednika i članova u Upravnom odboru Javne ustanove „Centar za kulturu” Zavidovići i poziciju člana iz reda zaposlenih u Upravnom odboru Javne ustanove „Javna biblioteka” Zavidovići broj: 01-05-819/18-AP-6 od 05.04.2018. godine, doneseno je rješenje kao u dispozitivu.

Dostavljeno:

-Imenovanom,

-JU “Javna biblioteka”, Zavidovići,

-Službeni glasnik općine Zavidovići,

-U spis.

OPĆINSKI NAČELNIK

(M.P.)

mr.sci. Hašim Mujanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKINAČELNIK



Broj: 02-44-1178/18-AP-2

Datum: 10.04.2018. godine

Na osnovu člana 24. stava 1. Zakona o zaštiti od požara i vatrogastvu („Službene novine FBiH”, broj: 64/09), člana 19. tačka 1. Zakona o zaštiti od požara i vatrogastvu Zeničko-dobojskog kantona („Službene novine Zeničko-dobojskog kantona“, broj: 5/11) i člana 39. Statuta Općine Zavidovići („Službeni glasnik Općine Zavidovići“, broj: 5/2008 i 5/a/2008) Općinski načelnik, donosi

P R A V I L N I K

o zaštiti od požara u općinskom organu državne službe Općine Zavidovići

1. OPŠTE ODREDBE

Član 1.

Pravilnikom o zaštiti od požara (u daljem tekstu: Pravilnik), u skladu sa zakonom i tehničkim propisima, uređuje se način ostvarivanja prava i obaveza organizovanja, provođenja i unapređenja zaštite od požara u općinskom organu državne službe Općine Zavidovići (u daljem tekstu: Općina).

Zaštita iz prethodnog stava ostavruje se u:

- Zgradi organa uprave Općine Zavidovići u ulici „Safvet bega Bašagića“ broj 9.,
- Zgradi profesionane vatrogasne jedinice Zavidovići u ulici „Radnička b.b.,
- Prostorijama Matičnog ureda Vozuća,
- Prostorijama Matičnog ureda Hajderovići,
- Prostorijama Matičnog ureda Kovači i
- Prostorijama Matičnog ureda Gostović (U daljem tekstu Općinske prostorije).

Za ostale prostorije u vlasništvu Općine Zavidovići koje koriste druga pravna i fizička lica, obavezni su donijeti svoje Pravilnike o zaštiti od požara.

Član 2.

Zaštita od požara i eksplozije je djelatnost u funkciji zaštite osnovnih ljudskih prava na život i imovinu, te je svima zabranjeno da svojom imovinom ili svojim postupcima ugrožava tuđe živote i imovinu opasnostima od požara i eksplozija.

Član 3.

(1) Općina Zavidovići radi zaštite ljudi i imovine od požara u Općinskim prostorijama ovim Pravilnikom utvrđuje:

- a) način organiziranja i ostvarivanja zaštite od požara;
- b) mjere za provođenje i unapređenje zaštite od požara;
- c) način upoznavanja zaposlenih lica Općine Zavidovići (u daljem tekstu zaposlena lica) sa opasnostima od požara na radnom mjestu, prilikom prijema i raspoređivanja na radno mjesto, kao i prilikom premještanja sa jednog na drugo radno mjesto;
- d) dužnosti i odgovornosti svih zaposlenih lica u provođenju propisanih mjera zaštite od požara;
- e) obaveza i način stručnog osposobljavanja zaposlenih lica, za provođenje mjera zaštite od požara na radnim mjestima, kao i izradu posebnih radnih uputstava za zaposlena lica koja su raspoređena na radna mjesta za koja se, zbog postojanja povećane opsnosti od požara moraju predvidjeti posebne mjere zaštite od požara;
- f) zaposleno lice koje je zaduženo da se stara o provođenju mjera zaštite od požara utvrđenim ovim općim aktom te obavezu njegovog stručnog osposobljavanja;
- g) sadržaj i način donošenja plana zaštite od požara i način provođenja tog plana;

- h) način vršenja unutrašnje kontrole provođenja mjera zaštite od požara i način vođenja evidencije o provođenju propisanih mjera zaštite od požara;
- i) mjesto i prostori u kojima mora biti zabrana proizvodnje, korištenja i prenošenje otvorene vatre;
- j) dužnosti i način ponašanja zaposlenih lica u slučaju pojave požara;
- k) disciplinsku odgovornost za zaposlena lica zbog nepridržavanja propisanih mjera zaštite od požara.

Član 4.

Zaštita od požara obuhvata skup mjera i radnji upravne, organizacione, tehničke, obrazovne i propagandne prirode koje se preduzimaju u cilju zaštite ljudskih života i imovine od požara u Općinskim prostorijama.

Član 5.

Zaštita od požara mora se organizovati i sprovesti u Općinskim prostorijama na svim mjestima, prostorima i objektima koji prisutnim ili mogućim opasnostima od požara ugrožavaju ljudske živote ili imovinu drugih vlasnika.

Član 6.

Općina Zavidovići je dužna da preduzme i obezbijedi kontinuirano provođenje svih neophodnih mjera zaštite od požara, ukoliko Općinske prostorije svojim prisutnim ili mogućim opasnostima od požara ugrožava ljudske živote (živote zaposlenih i trećih lica), ili imovinu drugih vlasnika.

Član 7.

Mjere zaštite od požara propisane ovim Pravilnikom, zakonskim i tehničkim propisima, kao i mjere koje su naložene od strane nadležnih organa dužni su da provode svi zaposleni i druga lica koja se po bilo kom osnovu nalaze ili zadržavaju u Općinskim prostorijama.

POGLAVLJE I - NAČIN ORGANIZIRANJA I OSTVARIVANJA ZAŠTITE OD POŽARA**Član 8.**

Zaštita od požara se organizuje i provodi u Općinskim prostorijama, a koji prema procjeni ugroženosti od požara mogu biti izloženi opasnosti od izbijanja i širenja požara.

Član 9.

Organizacija i funkcionisanje zaštite od požara utvrđuje se u glavnom projektu, odnosno elaboratu zaštite od požara koji je sastavni dio projektne dokumentacije Općinskih prostorija.

Član 10.

- (1) Svaki zaposleni dužan je provoditi mjere zaštite od požara na svom radnom mjestu na način kako je utvrđeno zakonom, podzakonskim aktima, odlukama, ovim Pravilnikom, Elaboratom ili Planom zaštite od požara i drugim posebnim upustvima upozorenjima i/ili zabranama.
- (2) Obaveze provođenja mjera zaštite od požara utvrđene u stavu 1. ovog člana odnose se na sva lica koja se po bilo kojem osnovu nalaze na radu u Općinskim prostorijama i lica koja povremeno ili privremeno obavljaju poslove, stručno se usvaršavaju u svojoj struci, te lica koja obavljaju poslove na osnovu ugovora.

POGLAVLJE II - MJERE ZA PROVOĐENJE I UNAPREĐENJE ZAŠTITE OD POŽARA**Član 11.**

Općina Zavidovići je dužna preduzeti sve mjere zaštite od požara koje proisteknu iz rješenja o kategorizaciji građevina, građevinskih dijelova i prostora u Općinskim prostorijama.

Član 12.

- (1) Kod izgradnje novih objekata, rekonstrukcije i adaptacije Općinskih prostorija obavezno je primijeniti mjere zaštite od požara definisane projektnom dokumentacijom.

- (2) Prilikom izgradnje novih objekata, rekonstrukcije i opremanja Općinskih prostorija moraju se primjeniti materijali, uređaji, instalacije i konstrukcije kojim će se spriječiti ili svesti na najmanju mjeru mogućnost izbijanja i širenja požara.

Član 13.

- (1) Do Općinskih prostorija moraju biti izgrađeni prilazni putovi za vatrogasna vozila i tehniku i isti moraju uvijek biti slobodni i prohodni.
- (2) Unutrašnje komunikacije u Općinskim prostorijama moraju biti slobodne i prohodne cijelom svojom širinom.

Član 14.

- (1) Za parkiranje vozila u krugu Općinskih prostorija moraju se urediti i označiti odgovarajuća parkirališta, koje označava nadležna općinska služba za saobraćaj.
- (2) Zabranjeno je parkiranje vozila van uređenih i označenih parkirališta.

Član 15.

Prilazi do izlaznih vrata, hidranata, vatrogasnih aparata i glavnih razvodnih baterija električne energije u Općinskim prostorijama moraju uvijek biti slobodni.

Član 16.

- (1) U Općinskim prostorijama dozvoljena je upotreba samo onih električnih uređaja i instalacija koji po svojim tehničkim karakteristikama odgovaraju tehničkim propisima i prostornim zahtjevima.
- (2) Električni uređaji i instalacije moraju biti tako izvedeni i zaštićeni da usljed djelovanja prostornih uslova (vlaga, prašina, zapaljivih para i gasova, mehanička oštećenja) ne bude ugrožena sigurnost ljudi i objekata.

Član 17.

- (1) Obavezno je redovno, u propisanim rokovima i u skladu sa tehničkim propisima, vršenje kontrole ispravnosti električnih uređaja i instalacija u Općinskim prostorijama, te otklanjanje uočenih nedostataka, o čemu mora postojati odgovarajuća evidencija. Ove poslove obavlja Služba za upravu društvenih djelatnosti i opću upravu, a na vatrogasnom dom će obavljati Služba za upravu civilne zaštite.
- (2) Opopravke i druge radove na električnim instalacijama mogu vršiti samo stručna lica angažovana od strane Općine Zavidovići.

Član 18.

Izvan radnog vremena u Općinskim prostorijama svi uređaji za rad moraju biti isključeni, osim uređaja koji po svojoj prirodi moraju biti stalno uključeni (npr. serveri i slični uređaji).

Član 19.

- (1) U općinskim prostorijama razvodne baterije i ormari moraju imati prekidač na glavnom dovodu električne energije.
- (2) Sva oprema u razvodnim baterijama i ormarima mora biti označena prema jednofaznoj šemi koja se mora nalaziti u svim razvodnim ormarima.
- (3) Topivi osigurači ne smiju se krpiti i premoštavati.

Član 20.

- (1) Općinske prostorije moraju biti obezbijeđeni sa odgovarajućim gromobranskim instalacijama u skladu sa odredbama tehničkih propisa za gromobrane.
- (2) Služba za upravu društvenih djelatnosti i opću upravu obavezna je vršiti periodičnu kontrolu ispravnosti gromobranskih instalacija i uzemljenja, te otklaniti uočene nedostatke u skladu sa tehničkim propisima uz obaveznu vođenja evidencije. Ove poslove na vatrogasnom dom će obavljati Služba za upravu civilne zaštite.

Član 21.

- (1) Radovi zavarivanja, rezanja, lemljenja i drugi radovi sa otvorenim plamenom mogu se izvoditi u Općinskim prostorijama samo ako su prethodno obezbijeđene propisane mjere zaštite od požara.

- (2) Radovi zavarivanja na privremenim mjestima se mogu obavljati samo po prethodno pribavljenom odobrenju izdanom od zaposlenog lica za zaštitu od požara Općine Zavidovići (u daljem tekstu lice za zaštitu od požara).

Član 22.

Po završetku rada u Općiskim prostorijama obavezno se mora izvršiti čišćenje prostorija, te uklanjanje smeća i tehnološkog otpada.

Član 23.

U Općinskim prostorijama sa većim požarnim opterećenjem (arhive, magazini i sl.) zabranjeno je pušenje o čemu moraju na vidnom mjestu biti istaknuti znaci upozorenja.

Član 24.

- (1) U Općiskim prostorijama zabranjena je upotreba rešoa, kuhala i drugih uređaja koji mogu biti uzročnici požara.
- (2) Upotreba ovih uređaja dozvoljena je samo u za to posebno predviđenim prostorijama (kuhinja ili čajna kuhinja) uz preduzimanje odgovarajućih mjera zaštite od požara.

Član 25.

U Općinskim prostorijama, u cilju spašavanja ljudskih života, obavezno je preduzeti sve mjere koje su u funkciji pravovremene, efikasne i bezbjedne evakuacije ljudi.

Član 26.

Općina Zavidovići je dužna preduzeti sve one mjere kojima se onemogućava prenošenje požara i štetno dejstvo požara po imovinu drugih vlasnika

Član 27.

- (1) Općinske prostorije moraju biti obezbjeđeni sa uređajima i opremom namijenjenom za gašenje početnih požara.
- (2) Izbor potrebnog broja, vrste i veličine aparata za gašenje početnih požara određuje se na osnovu Elaborata ili Plana zaštite od požara Općiskih prostorija.

Član 28.

- (1) Aparati za gašenje početnih požara postavljaju se u blizini mogućeg izbijanja požara, na uočljivom i vidnom mjestu. Udaljenost između aparata ne smije biti veća od 20 m.
- (2) Prijenosni aparati mogu biti smješteni na pod ili postavljeni na zid i to tako da ručka za nošenje aparata ne bude na visini veće od 1,5 m od poda.

Član 29.

- (1) Služba za upravu civilne zaštite dužna je da obezbjedi održavanje ručnih aparata za početno gašenje požara, ispitivanje ispravnosti i funkcionalnost u skladu sa zakonom.
- (2) Održavanje aparata obuhvata:
- a) redovni pregled,
 - b) periodični pregled,
 - c) kontrolno ispitivanje.
- (3) Redovan pregled vrši lice za zaštitu od požara i o tome mora voditi propisanu evidenciju.
- (4) Periodični pregled i kontrolno ispitivanje se vrši u skladu sa Pravilnikom o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja. („Službene novine FBiH“, broj: 46/11)

Član 30.

Sva oprema za gašenje požara u Općiskim prostorijama mora se nalaziti u ispravnom i funkcionalnom stanju, smještena i raspoređena na pristupačna mjesta, propisno označena i obezbjeđena od oštećenja, nenamjenske upotrebe i vremenskih neprilika.

Član 31.

Zabranjeno je opremu i sredstva za gašenje požara koristiti u nenamjenske svrhe.

POGLAVLJE III - NAČIN UPOZNAVANJA ZAPOSLENIH LICA SA OPASNOSTIMA OD POŽARA**Član 32.**

Općina Zavidovići je dužna upoznati svakog zaposlenog sa opasnostima od požara vezano za poslove i radne zadatke na koje je raspoređen, kao i sa opremom, uređajima i sredstvima za gašenje požara, praktičnom upotrebom aparata za početno gašenje požara i drugih uređaja za gašenje požara i sa materijalnom i drugom odgovornošću uslijed nepridržavanja propisanih mjera zaštite od požara.

Član 33.

- (1) Upoznavanje zaposlenih sa opasnostima od požara obavezno se vrši:
- a) kod zasnivanja radnog odnosa, po bilo kom osnovu, a prije raspoređivanja na poslove i radne zadatke,
 - b) kod premještanja zaposlenog na druge poslove i radne zadatke, a prije početka rada na tim poslovima,
 - c) kod prijema na stručno usvršavanje u struci i stručnu obuku lica koja nisu u radnom odnosu,
 - d) Poslovi iz prethodnog stava obavljaju se putem Kabineta općinskog načelnika

Član 34.

- (1) Upoznavanje zaposlenih sa opasnostima od požara vršit će se pojedinačno sa svakim od njih ili po grupama zaposlenih srodnih grupa i to:
- a) organizovanjem odgovarajućih predavanja,
 - b) izrada stručnih upustava,
 - c) usmenim upustvima zaposlenog lica za zaštitu od požara,
 - d) isticanjem na vidno mjesto odgovarajućih natpisa, plakata i upozorenja.

Član 35.

- (1) Upoznavanje zaposlenih sa opasnostima od požara na njegovom radnom mjestu vrši lice za zaštitu od požara.
- (2) Po završetku upoznavanja sa opasnostima od požara, opremom, uređajima i sredstvima za gašenje požara, praktičnom upotrebom aparata za početno gašenje požara i odgovornošću uslijed nepridržavanja propisanih mjera zaštite od požara sastavlja se zapisnik o provedenom upoznavanju koga potpisuje zaposleni i lice za zaštitu od požara i isti se pohranjuje u personalni dosije zaposlenog.

Član 36.

- (1) Obaveza je Općine Zavidovići da najmanje jednom u dvije godine izvrši obuku i provjeru znanja iz oblasti zaštite od požara svih zaposlenih prema Programu obuke zaposlenih u pravnim osobama, državnim tijelima i drugim institucijama u oblasti zaštite od požara.
- (2) Služba za upravu civilne zaštite ima obavezu provođenja obuke i provjere znanja iz stava 1. ovog člana.

Član 37.

O obuci i provjeri znanja Služba za upravu civilne zaštite vodi odgovarajuću evidenciju.

POGLAVLJE IV - DUŽNOSTI I ODGOVORNOSTI ZAPOSLENIH LICA U PROVOĐENJU PROPISANIH MJERA ZAŠTITE OD POŽARA**Član 38.**

Općinski načelnik:

- a) odonosi programe mjera i aktivnosti u vezi zaštite od požara i obezbjeđuje njihovo izvršenje,
- b) na osnovu informacije odgovornog lica donosi odgovarajuće odluke,
- c) obezbjeđuje finansijska sredstva za izvođenje obuke, nabavku opreme i sredstava za gašenje požara,
- d) razmatra izvještaje i rješenja inspeksijskih organa i preduzima mjere za realizaciju naloženih mjera,
- e) imenuje zaposleno lice za zaštitu od požara i za provođenje i praćenje mjera zaštite od požara i eksplozije.

Član 39.

Pomoćnici načelnika službi za upravu, Sekretar organa državne službe općinskog organa uprave, Općinski pravobranilac i Sekretar općinskog vijeća:

- a) obustavljaju rad ako primjete neposrednu opasnost od požara i eksplozije,
- b) u slučaju požara mobilišu svoje ljudstvo, opremu i sredstva za gašenje požara,
- c) u slučaju neposredne opasnosti od požara, eksplozije obavezni su poduzeti sve neophodne mjere da se te opasnosti otklone,
- d) imaju pravo udaljiti zaposlenog sa radnog mjesta ako je zatečen da vrši povredu radne obaveze iz oblasti zaštite od požara, te su obavezni pokrenuti disciplinski postupak protiv tog zaposlenog,
- e) u dogovoru sa licem za sprovođenje mjera zaštite od požara organizuju obuku zaposlenih iz oblasti zaštite od požara, kao i provjeru znanja u rukovanju uređajima i opremom za gašenje početnih požara.

Član 40.

Zaposleni su dužni:

- a) preduzimati, provoditi i držati se propisanih mjera zaštite od požara na radnom mjestu i u radnom prostoru,
- b) upoznati se sa odredbama ovog Pravilnika prije stupanja na rad,
- c) prije rasporeda na drugo radno mjesto upoznati se sa propisima i drugim mjerama zaštite od požara u vezi sa novim poslovima na tom radnom mjestu,
- d) u toku rada stalno pratiti i kontrolisati rad uređaja i instalacija i o svim promjenama koje bi mogle biti uzrok nastanka požara, odmah izvjestiti neposrednog rukovodioca,
- e) da po završetku radnog vremena pregledaju i isključe sve moguće izvore koji bi mogli biti uzročnici požara,
- f) pridržavati se oznaka upozorenja i upustva za zaštitu od požara koja su postavljena na radnom mjestu i radnom prostoru,
- g) brinuti se da pristup njegovom radnom mjestu bude slobodan i moguć kako bi se nesmetano koristila oprema i sredstva za gašenje požara i otklonile posljedice,
- h) čuvati i pažljivo se odnositi prema opremi i sredstvima za gašenje požara, te prema oznakama upozorenja i znakovima ovješanim i/ili nalijepljenim u objektu,
- i) da usavršava svoje znanje iz oblasti zaštite od požara,
- j) da radi duže od punog radnog vremena u slučajevima kada je neophodno spriječiti izbijanje požara i druge nesreće,
- k) za zaštitu od požara u saradnji sa pomoćnicima Općinskog načelnika, Sekretarom organa državne službe općinskog organa, Općinskim pravobraniocem i Sekretarom općinskog vijeća treba da organizuje, da svaki zaposleni, prema posebno utvrđenom programu, bude upoznat sa opasnostima od požara u vezi s poslovima koje obavlja, planom evakuacije, kao i sa mjerama i sredstvima za gašenje, praktičnom upotrebom aparata, uređaja i opreme koja mu je na svakodnevno na svom radnom mjestu vizuelno, kontroliše stanje i ispravnost opreme i sredstava za gašenje požara.

**POGLAVLJE V- OBAVEZE I NAČIN STRUČNOG OSPOSOBLJAVANJA ZAPOSLENIH
LICA ZA PROVOĐENJE MJERA ZAŠTITE OD POŽARA NA
RADNOM MJESTU I IZRADA POSEBNIH RADNIH UPUSTAVA**

Član 41.

Općina Zavidovići je dužna da obezbjedi uslove, a lice za zaštitu od požara u saradnji sa pomoćnicima Općinskog načelnika, Sekretarom organa državne službe općinskog organa, sekretarom Općinskog vijeća i Općinskim pravobraniocem organizuje da svaki zaposleni, prema posebno utvrđenom programu, bude upoznat sa opasnostima od požara u vezi s poslovima koje obavlja, planom evakuacije, kao i sa mjerama i sredstvima za gašenje, praktičnom upotrebom aparata, uređaja i opreme koja mu je na raspolaganju, te materijalom i drugom odgovornošću zbog nepridržavanja mjera zaštite od požara.

Član 42.

Lice za zaštitu od požara je dužno da svaki zaposleni bude upoznat sa opremom, uređajima i sredstvima za gašenje požara i materijalnom i drugom odgovornošću uslijed nepridržavanja propisanih mjera zaštite od požara.

Član 43.

Upoznavanje zaposlenih sa mjerama zaštite od požara obavezno se vrši:

- a) kod zasnivanja radnog odnosa, po bilo kom osnovu, a prije raspoređivanja zaposlenog na poslove i radne zadatke,
- b) kod premještanja zaposlenog na druge poslove i radne zadatke, a prije početka rada na tim poslovima,
- c) kod izmjene rada ili uvođenja nove tehnologije,
- d) kod prijema na stručno osposobljavanje i stručnu obuku lica koja nisu u radnom odnosu.

Član 44.

Obavezno je najmanje jednom u dvije godine izvršiti obuku u skladu sa Programom obuke zaposlenika u pravnim licima, državnim organima i drugim institucijama u oblasti zaštite od požara („Službene novine FBiH“, broj:59/10).

POGLAVLJE VI - LICE ZADUŽENO ZA PROVOĐENJU MJERA ZAŠTITE OD POŽARA**Član 45.**

Pravilnikom o unutrašnjoj organizaciji općinskih organa uprave i stručnih službi općine Zavidovići, određuje se zaposleno lice za zaštitu od požara koje će da se stara o provođenju mjera zaštite od požara utvrđenih Zakonom i ovim Pravilnikom.

Član 46.

Dužnosti, odgovornosti i ovlaštenja lica za zaštitu od požara koje vrši kontrolu provođenja mjera zaštite od požara su:

- a) poznavanje opasnosti od požara, te mjera za otklanjanje tih opasnosti,
- b) poznavanje, praćenje i primjena u praksi, zakonskih i tehničkih propisa iz oblasti zaštite od požara,
- c) vrši pregled objekata, prostora, postrojenja, instalacija i uređaja sa ciljem uočavanja izvora požarnih opasnosti i kontrole provođenja mjera zaštite od požara,
- d) priprema program i zajedno sa pomoćnicima Općinskog načelnika, Sekretarom organa uprave i Općinskim pravobraniocem pravi raspored obučavanja zaposlenih iz oblasti zaštite od požara,
- e) vodi propisane evidencije iz oblasti zaštite od požara,
- f) radi na izradi izvještaja o zaštiti od požara,
- g) obavlja unutrašnji nadzor nad provođenjem mjera zaštite od požara,
- h) brine da se sredstva potrebna za zaštitu od požara, održavaju u ispravnom stanju,
- i) predlaže nadležnim rukovodiocima preduzimanje efikasnih i neophodnih mjera zaštite od požara,
- j) odgovoran je za provođenje mjera zaštite od požara utvrđenim Zakonom i ovim Pravilnikom,
- k) obustavlja rad ako prijete neposredna opasnost od požara i eksplozije.

Član 47.

Lice za zaštitu od požara mora imati najmanje srednju stručnu spremu (III-IV stepena) tehničkog smjera i položen stručni ispit za protivpožarnu zaštitu.

POGLAVLJE VII- SADRŽAJ I NAČIN DONOŠENJA PLANA ZAŠTITE OD POŽARA I NAČIN PROVOĐENJA TOG PLANA**Član 48.**

Općina Zavidovići je dužna da Općinske prostorije uradi Plan zaštite od požara.

Član 49.

Plan zaštite od požara za organ uprave donosi Općinski načelnik na prijedlog Službe za upravu civilne zaštite.

Član 50.

Mjere zaštite od požara predviđene Planom zaštite od požara dužni su provoditi svi zaposleni pri čemu je veoma važno i bitno da:

- a) svi zaposleni budu upoznati sa svim obavezama i aktivnostima koje se odnose na njih u slučaju požara,
- b) da sve oznake, oprema, spiskovi, šeme, skice budu postavljene na predviđena mjesta,

POGLAVLJE VIII - NAČIN VRŠENJA UNUTRAŠNJE KONTROLE PROVOĐENJA PREDVIĐENIH MJERA ZAŠTITE OD POŽARA I NAČIN VOĐENJA EVIDENCIJE O PROVOĐENJU PROPISANIH MJERA ZAŠTITE OD POŽARA

Član 51.

Unutrašnju kontrolu provođenja zaštite od požara vrši lice za provođenje mjera zaštite od požara.

Član 52.

Unutrašnja kontrola provođenja mjera zaštite od požara vrši se redovnim pregledom i uvidom u:

- a) normativne akte, planove, elaborate i druge normativne akte kojim je regulisana zaštita od požara,
- b) zapisnik inspeksijskih organa koji vrše nadzor nad provođenjem zaštite od požara,
- c) provođenje mjera zaštite od požara predviđenih ovim Pravilnikom.

Član 53.

Dužnosti, odgovornosti i ovlaštenje lica za zaštitu od požara su:

- a) poznavanje organizacije rada, i opasnosti od požara, te mjere za otklanjanje tih opasnosti,
- b) poznavanje, praćenje i primjena u praksi zakonskih i tehničkih propisa iz oblast zaštite od požara,
- c) poznavanje i primjena općih i drugih akata,
- d) svakodnevno i periodično vršenje pregleda objekata, prostora, postrojenja, instalacija i uređaja sa ciljem uočavanja izvora požarnih opasnosti i kontrole provođenja mjera zaštite od požara.

Član 54.

O provođenju propisanih mjera zaštite od požara u Općinskim prostorijama moraju se od strane lica zaduženog za praćenje i provođenje mjera zaštite od požara voditi odgovarajuće evidencije i to:

- a) o obučenosti zaposlenih prilikom stupanja u radni odnos ili promjene radnog mjesta,
- b) o obuci zaposlenih prema Programu obuke zaposlenika u pravnim licima, državnim organima i drugim institucijama u oblasti zaštite od požara,
- c) evidenciju o redovnom, periodičnom i kontrolnom pregledu, te kontrolnom ispitivanju aparata za gašenje početnih požara,
- d) o redovnoj kontroli i ispravnosti unutrašnje i vanjske hidrantske mreže,
- e) o redovnoj kontroli sistema aktivne zaštite od požara.

POGLAVLJE IX- MJESTA I PROSTORI U KOJIMA JE ZABRANJENA PROIZVODNJA, KORIŠTENJE I PRENOŠENJE OTVORENE VATRE

Član 55.

Otvorena vatra i plamen ne smiju se proizvoditi, koristiti ili prenositi u Općinskim prostorijama. Korištenje otvorene vatre i plamena dozvoljeno je samo po odobrenju zaduženog lica za provođenje mjera zaštite od požara.

**POGLAVLJE X - DUŽNOSTI I NAČIN PONAŠANJA ZAPOSLENIH LICA U
SLUČAJU POJAVE POŽARA****Član 56.**

- 1) Svaki zaposleni koji primjeti požar dužan je odmah pristupiti gašenju i lokalizovanju istog ako to može učiniti bez opasnosti za sebe i druge zaposlene.
- 2) Ako zaposleni nije u mogućnosti sam ugaziti požar dužan je obavjestiti ostale zaposlene izvršiti dojavu požara vatrogasnoj jedinici, operativnom centru civilne zaštite ili stanici policije, te o nastalom požaru obavjestiti neposrednog rukovodioca.

Član 57.

Do dolaska vatrogasne jedinice na mjesto požara zaposleni su dužni:

- a) da organizuju spašavanje ugroženih lica,
- b) da organizuju evakuaciju iz ugrožene zone: vrijednosnih papira, novca, tehničke i druge dokumentacije,
- c) da zatvore prozore, vrata, ventilacione i druge otvore u cilju sprečavanja širenja požara,
- d) da poduzmu i druge radnje u zavisnosti od trenutne situacije.

Član 58.

- 1) Organizaciju gašenja požara preuzima neposredni rukovodilac kome pomaže lice za provođenje mjera zaštite od požara.
- 2) Ukoliko u gašenju požara učestvuje vatrogasna jedinica gašenjem požara rukovodi rukovodilac akcije gašenja požara.
- 3) Naredbe i uputstva lica koje rukovodi gašenjem požara obavezni su za sve učesnike u gašenju požara.

**POGLAVLJE XI - DISCIPLINSKA ODGOVORNOST ZAPOSLENIH LICA ZBOG
NEPRIDRŽAVANJA PROPISANIH MJERA ZAŠTITE OD POŽARA****Član 59.**

Svaki zaposlen Općine Zavidovići koji ne poštuje odredbe ovog Pravilnika, zakonskih i tehničkih propisa iz oblasti zaštite od požara, te ne provodi propisane mjere zaštite od požara, čini težu povredu službene dužnosti.

Član 60.

- 1) Kao teža povreda službene dužnosti iz oblasti zaštite od požara, smatra se:
 - a) izazivanje požara namjerno ili iz nehata,
 - b) upotreba otvorene vatre i plamena bez odobrenja zaduženog lica za zaštitu od požara,
 - c) nenamjenska upotreba aparata za gašenje početnih požara i opreme za aktivnu zaštitu i njihovo namjerno oštećenje,
- 2) Kao lakša povreda službene dužnosti iz oblasti zaštite od požara, smatra se:
 - a) neprijavlivanje požara ili nepreduzimanje mjera za gašenje početnog požara,
 - b) ometanje gašenja požara i spašavanja,
 - c) ostavljanje neočišćenog radnog mjesta po isteku radnog vremena što može imati za posljedicu izazivanje požara,
 - d) nepristupanje obuci i provjeri znanja iz oblasti zaštite od požara,
 - e) upotreba lako zapaljivih tečnosti i boca tehničkih gasova na zabranjenim mjestima, zakrčenje vanjskih i unutrašnjih požarnih puteva, te prilaza do uređaja i opreme za gašenje početnih požara,
 - f) neobavljanje periodičnih pregleda ispravnosti i funkcionalnosti sprava, uređaja i instalacija koji su u funkciji zaštite od požara.

3) Disciplinski postupak za utvrđivanje disciplinske odgovornosti i izricanje disciplinskih mjera zaposlenicima provodit će se u skladu sa zakonskim odredbama i odredbama Uredbe o pravilima disciplinskog postupka za disciplinsku odgovornost državnih službenika u Federaciji Bosne i Hercegovine („Službene novine Federacije BiH“, broj: 72/04 i 75/09).

POGLAVLJE XII - PRELAZNE I ZAVRŠNE ODREDBE

Član 61.

Općinski načelnik će u roku 15 dana od dana stupnja na snagu ovog Pravilnika donijeti rješenje iz člana 38. stav 1. alineja f) ovog Pravilnika na prijedlog Službe za upravu civilne zaštite i opću upravu.

Član 62.

Danom stupanja na snagu ovog pravilnika prestaje da važi Pravilnik o zaštiti od požara broj 02-44-2188/08 od 16.06.2008.godine („Službeni glasnik općine Zavidovići“, broj: 8/2008).

Član 63.

Ovaj Pravilnik stupa na snagu prvog narednog dana od dana objavljivanja u „Službenom glasniku Općine Zavidovići“.

OPĆINSKI NAČELNIK

(M.P.)

mr.sci. Hašim Mujanović

S A D R Ź A J

Strana

I – AKTI OPĆINSKOG VIJEĆA

1. ODLUKA o lokalnim cestama i gradskim ulicama na području općine Zavidovići.....	241
2. ODLUKA o visini i načinu ostvarivanja prava na naknade i dodatke na plaću zaposlenih u općinskom organu državne službe Općine Zavidovići.....	262
3. ODLUKA o sticanju prava vlasništva na nekretnini označenoj sa k.č. broj 39/9 u k.o. Potkleče posjed Muftić Suvade iz Sarajeva.....	272
4. ODLUKA o utvrđivanju javnog interesa za izgradnju seoskog vodovoda „Mustajbašići – Nabujski potok“ na području MZ „Kovači“ podružnica Mustajbašići.....	273
5. ZAKLJUČAK sa 19. (tematske) sjednice Općinskog vijeća Zavidovići na temu „ Stanje u boračko-invalidskoj zaštiti i socijalnoj ugroženosti boračke populacije na području općine Zavidovići.....	276
6. ZAKLJUČAK o usvajanju Izvještaja Općinskog načelnika o radu općinskih službi za upravu i drugih službi za 2017. godinu.....	278
7. ZAKLJUČAK o usvajanju Izvještaj o radu Općinskog pravobranilaštva Zavidovići za 2017. godinu.....	279
8. ZAKLJUČAK o prihvatanju Izvještaja o realizaciji Akcionog plana realizacije Strategije integriranog razvoja općine Zavidovići za period 2017 – 2026. za 2017. godinu sa Planom kapitalnih investicija Općine Zavidovići za period 2017 – 2019. godina, broj: 02-05-2246/17 od 13.03.2018. godine.....	280
9. ZAKLJUČAK o usvajanju Informacije o planu upisa učenika u prvi razred srednjih škola na području općine Zavidovići za školsku 2018/2019. godinu.....	281
10. ZAKLJUČAK o usvajanju Informacije o realizaciji projekta sanacije postojeće deponije komunalnog otpada Općine Zavidovići.....	282
11. ZAKLJUČAK o davanju saglasnosti na rang-listu najboljih kandidata za pozicije predsjednika i članova u Upravnom odboru Javne ustanove „Centar za kulturu“ Zavidovići i člana iz reda zaposlenih u Upravni odbor Javne ustanove „Javna biblioteka“ Zavidovići.....	283
12. ZAKLJUČAK o prihvatanju Inicijativa Kluba vijećnika Socijaldemokratske partije za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru općine.....	285
13. ZAKLJUČAK o odbijanju Inicijativa Kluba vijećnika Socijaldemokratske partije za pokretanje aktivnosti projektovanja i nabavke komunikacijskog rješenja obezbijeđenja i puštanja u rad besplatne Wi-fi Hot Spot konekcije u užem gradskom jezgru.....	286

II – AKTI OPĆINSKOG NAČELNIKA

1. RJEŠENJE o davanju saglasnosti na imenovanje vršioca dužnosti direktora Javne ustanove „Gradski dječiji vrtić“ Zavidovići.....	287
2. RJEŠENJE o imenovanju Upravnog odbora Javne ustanove “Centar za kulturu “ Zavidovići.....	289
3. RJEŠENJE o imenovanju Upravnog odbora Javne ustanove “Javna biblioteka“ Zavidovići iz reda zaposlenih.....	291
4. PRAVILNIK o zaštiti od požara u općinskom organu državne službe Općine Zavidovići.....	293